

**Agôt'k' Yovhannow Vanandec'woy Benik koč'ec'eal
vardapeti**

Yovhannês <Sarkavag>

Goussen 3088 (21)

Համար 3088

Ս Ո Փ Ե Ր Ք

Հ Ա Յ Կ Ա Կ Ա Ն Ք

Ի Ա

1800

1800

04

Ա. Ղ. Օ. Թ. Ք

ՅՈՎՀԱՆՆՈՒ ՎԱՆԱՆԴԵՑԻՈՅ

ԲԵՆԻԿ

ԿՈԶԵՑԵԱԼ ՎԱՐԴԱՊԵՏԻ



ՎԵՆԵՏԻԿ

Ի ՏՊԱՐԱՆԻ ՄԻԻԹԱՐԵԱՆՅ

ՌԻԺ.—1861

3088

U. S. G. P.

OFFICE OF THE SECRETARY OF THE ARMY

WASHINGTON

1864



1864

OFFICE OF THE SECRETARY OF THE ARMY

WASHINGTON

ԱՂՕԹՒՔ

ՅՈՎՀԱՆՆՈՒ ՎԱՆԱՆԴԵՑԻՈՅ

ԲԵՆԻԿ

ԿՈՉԵՑԵԱԼ ՎԱՐԴԱՊԵՏԻ

Ի խորոյ սրբից խօսք ընդ Աստուծոյ :

Ա

Տէր Աստուած ահաւոր և սքանչելի, սահման սիրոյ և ողորմութեան, Քրիստոս թագաւոր բարձրեալ Հօր որդի, ստեղծիչ ամենայնի, և անգոյութեան գոյացուցիչ, գթած և բարերար, օրհնեալ յէական հիւթից, բարեբանեալ յիմանալեաց երգով, առատ ՚ի հանուրս, հարուստ ՚ի բնաւս, ահարկու վերնոց, սոսկալի տարերց, սարսափումս սանգարամետականաց, հզօր զօրագունից, տեսուչ աննկատելեաց, ողորմու-

Թիւն անկշիւ , հասախչ յաւիտենից ,
 ձեռնկալու տեսչու թեանց և անտես-
 չու թեանց , ասլրեցուցիչ , գարմա-
 նիչ և կեցուցիչ , որք բաղկացեալ
 գոն 'ի բնաբար բարւոյդ , երկայնա-
 միտ և բարեխնամ , և ապաւէն առ
 քեզ ձայնեցելոցն : Բժիշկ երկնա-
 ւոր անձաւ գովեստից , որոյ հրա-
 մանդ է դեղ կենաց • լոյս և կեանք
 որ կարգան առ քեզ , յարու թիւն ,
 նորոգու թիւն և քաւու թիւն մեռե-
 լոց անձանց , երանու թիւն , թագա-
 ւորու թիւն և արքայու թիւն հրաւի-
 րելոց 'ի քէն , շարժող գթու թեան
 Հօր և Հոգւոյն , սրբու թիւն , արգա-
 րու թիւն , և յանհպական երանու-
 թիւնդ միու թիւն մաքրեցելոցն 'ի
 քէն : Չոր և ես յաւիտենից կորու-
 սեալս գիմեալ 'ի վարմն քո անդննելի
 գթու թեանդ աղաչեմ , և զանչափ
 չարխան իմ 'ի լուր երկնի և երկրի
 հրասարակեմ , առաջի սուրբ խա-
 ջին դրոշմելոյն , կնքեալ անհաս
 խորհրդեանդ Աստուծոյ • և ըստ ա-
 ւազակին կարկառեմ առ քեզ զաչս
 իմ , և խմանալի բարբառով բախեմ

զգուռն անյիշաչար քո տէրութեդ ,
որ մահապարտացն քոց և մխելոցն
յարիւն անհասիդ՝ հայցէիր զթողու-
թիւն :

Յիշեա զիս ողորմութիւնդ ան-
բաւ , և զոր արբուցեր աւաղակին ,
արբո ծարաւելոցս , վասն զի կենդա-
նի ևս այժմ տեսանեմ զքեզ մտօքս
'ի վերայ կենդանարմատ փայտին , և
զկայլակս արեան անդէն իսկ առաջի
իմ արտաքս հոսեալ , և 'ի շրթունս
քո այժմ հպեալ կայ ճաշակ լեղւոյն
և քացախին • և ձայնդ օրհնութեան
առ հայր զելի ելին աղաղակէ • և որ-
պէս միշտ կենդանի 'ի ծոցն անիմա-
նալի ըստ էութեանդ , և էիր 'ի գիրկս
մօր մարմնաւորութեամբ , նոյնպէս
անմահ մեռեալ կենդանի մարմինդ
դեռ ևս 'ի վերայ կենաց փայտիդ՝
ծովածաւալ մեղսաթաթախ աչացս
իմ տեսանի :

Արդ զնոյն իսկ զօրն զայն ահեղ ,
որ զճաշակ մահու արբեր , և զան-
ճառ խորհուրդ երեքսրբեան տէրու-
թեանդ որ 'ի ժամուն յայնմիկ զօ-
րացեալ եղև , և զկամաւորն քո ըզ-

մարտիրոսական կիրս առ բնաբար
բարիդ բարեխօս ունիմ, անխմանալի
անհաս էութեան հօր և հոգւոյդ: Ար-
ձակեա առ իս զխմանալի բարբառն
երանաւէտ որպէս առ դատապար-
տեալ աւաղակն, և բաց ինձ զկնքեալ
դուռն դրախաին՝ յորմէ արտասահ-
մանեալ եղէ, և զանբաւ բիւրս բիւ-
րուց զաշխարհակշիռ ասան խղեա
բւեռօքդ զոր ես ինձէն հրաբորբօք
ձեռօք իմ սլաարաստեցի. վասն որոյ
չունիմ իմաստութիւն հոգւոյ, խօսք
լէզուի և բարբառ բերանոյ զանբաւ
չարիս իմ պատմել, և զանսահման
անօրէնութիւնս իմ առաջի ամենա-
տեսողիդ արտայայտել: Մեղայ պար-
տապանս անբաւ գանձուց, անկեն-
դան մահու, ձաղելիս մեղայ, ՚ի բար-
ձանց երկնից ընկեցայ, փուշս առա-
ւել քան զկշիռս լերանց վարուց գի-
ղեցի. կենօքս իմ, կենացն յաւիտե-
նից կորուստս ամի. բաղին և խոհեր
կորուսչին գտայ. անյարդար բա-
ժակս մահու, անմաքրութեան գը-
տիչ, անտախ պարծանօք պաճու-
ճեալս, յամենայն իրս մնաստապարտ

եղեալս՝ կուտեցի բազմադիմի յան-
 ցանս, հիացմունս՝ հոգս հալողա-
 կանս աճմանս մեղաց, անհնարա-
 ւորսն թուականութիւնս մտաց ան-
 բարդելիս :

Եւ արդ տէր Աստուած, յիշեա
 զքո անսահման սէր յաւիտենից, և
 արկ առաջի անեզրական գթութեդ
 զներգործութի բարերարիդ եղեալ
 ՚ի դարս դարս, հիազօրս և հրաշա-
 պատուս. և նկատեա յանբաւ բարձ-
 րութենէդ զխորս խաւարի, և զհա-
 մահաւաքիչս ամենայն ասպականա-
 ցու կրից : Ընկալ զաղաչանս չա-
 րալլուկ չանորդոյս, ըստ քում անյի-
 շաչար բարերարութեանդ. և խո-
 նարհեա ՚ի խնդրուածս խորասու-
 զելոյս ՚ի վիհն կորստեան : Բաց զան-
 սպառ գանձարան կենացդ յաւիտե-
 նից. շնորհեա դեղ թողութեան փր-
 տեալ և ասպականեալ ոգւոյ մահա-
 հարուած գանելոյս. որ շուսյլեալ
 արբեցութեամբ չարին հնգեկին ըզ-
 գայութեամբն, իբր զջուր հեղայ յա-
 մենայն մասունս մեղաց. ոչ կառու-
 ցի զաչս բնաւ ՚ի բարձունս երկնից :

և ոչ զհիազօր հանդէս հրեղինացդ
 նկատեցի, այլ միշտ և յաւէտ զհե-
 ղեղս հոսանաց ահագնալուր անօրէ-
 նու թեանց իբր զսահանս տիեզերա-
 կործան ջրհեղեղին ժայթքեցի 'ի
 մեղսասէր մտացս առաջի աներևու-
 թից տեսողիդ . և զհամօրէն տարե-
 րացս տալտկացուցի զտեսակս և
 զերկնային զինուորութեանցդ դառ-
 նացուցի զհանդէս . զի համբարս
 խանթից խաւարասէր իշխանին յիս-
 կըզբանց և այսր հասեալ՝ յիս կոր-
 ղեցի: Եւ թեթև և նուազ գտաւ
 յաչս իմ այնքան ծանուն անդունդք
 հեղեղաց չարին :

Եւ արդ զորպէս կացից յանդիման
 ահաւորիդ Աստուծոյ, և որով ամօ-
 թով ակնարկեցից 'ի բարձունս . զի
 լեզուաւ կարգացից զանուն անեղիդ,
 և կամ զոր ձեռն կարկառեցից առ
 հօրդ . զի խորտակեալ բեկեալ ման-
 րեալ գիշատեալ գազանաբեկ եղեալ
 եմ յամենայն մասունս մահու հըն-
 գեկին զգայութիւնս, ամենայն սաս-
 տիւ հարուածեալ, և անմահ մահով
 գրաւեալ 'ի գուբն ապականութե ,

յանբաւ բիւրս բիւրուց անդունդս
 անկեալ . և զբաժակ ցասման բնա-
 ւիցն արբեալ . զճաշակ դառնութե
 մրրկածին բոցոյն այնքան խորա-
 ցեալ վէհիցն յիս դրաւեալ . քանզի
 բարձրացեալ մեղօք գտայ քան զեր-
 կինս , և խոնարհեալ անօրէնութե
 քան զանդունդս . լայնացեալ բազ-
 մադիմի չարեօք քան զոլորաս ծա-
 գաց երկրի , և տարածեալ անդր քան
 զչրջանս եթերական օդոց . քանզի
 զբոլոր յանցս էիցս ծրարեցի 'ի միտս
 իմ իբրև զմէտ մի փոշոյ 'ի սիրտ
 երկրի , և զանբաւութիւն դժոխոց 'ի
 գիրկս առի , իբրև զհամատարածն
 զկաթիլ մի անկեալ 'ի նմա . նաև զա-
 հաւորութիւն հրոյն իբր խերևէշ մի
 կնքեցի 'ի սիրտս : Եւ զանբաւութի
 անեզրական արտաքին խաւարին
 ամփոփեցի յերիկամունս իմ իբր
 հատ մանանխոյ 'ի տարաշխարհս ,
 զանսահման դաժանութիւն ատակի
 տարտարոսին գրոշմեցի յօգի իմ
 նուազ քան զտկար տերևս 'ի տե-
 սակս իւրեանց . և զծանրութիւն հը-
 րոյ և հողոյ իբր նշանախեց մի դրոյ

առ իս կափուցի : Չմեծութիւնն ծո-
 վուն և զանքնինն ախս բոլոր արա-
 րածոց թաքուցի 'ի վսերայինն միտս
 իմ' իբր խերեւէշ մի դանկի, և զան-
 դունդս անդնդոց և զտեսակ գոյու-
 թեան քառիցս տարերաց ոչ ինչ հա-
 մարեցայ : Չի թէ ըստ բոլորմանն
 անծայրութեան երկնից վեհագունի
 հնար էր լեալ ընթանալ մտաց իմոց
 'ի գիւտ չարեաց, թեթև էր համարեալ
 յաչս իմ' այնքան ալիք յանցա-
 նաց զվայրենական կատաղութեան
 իմոց մտացս : Քանզի միշտ ընթա-
 ցեալ եղէ 'ի կորստեան իմոց գիւտ,
 և անպատկառ և անխորշ կացի յե-
 րեսացդ Աստուծոյ • զի ոչ ոք բար-
 կացոյց զքեզ 'ի բնաւիցս իբրև զոր-
 գիս կորստեան, որ ըստ ամենայն
 մասանց մտածութեանց մեղաց գան-
 ձեցի յիս զմտածութեանց ոլոր-
 մունս • զի ոչ է կարելի մարմնեղինի
 իմանալ զչափ մեծութեանց շրջանաց
 բոլոր երկնայինն պարունակացն և
 շրջել ընդ հետս անդնդոց, կշռել
 զախս յաւիտենից և 'ի համարի ու-
 նել զծիփումն ալեաց ծովուն երկնա-

տարած, նա և զահագին խորոցն յա-
 լիտենից՝ որ հողմընթաց երագու-
 թեամբ՝ ի գոգս իւր կափուցեալ ու-
 նի զամենայն արարածս, քան զան-
 սահման իմոյ յանցանացս. զի ան-
 ճառ մտածմունք և գործք չարեաց՝
 իբր մրրկատարափ նետս՝ ի խորոց
 սրտէս միշտ ՚ի բարձունս առաջի
 բնաւից տեսողիդ տարածեցաւ, և
 ապականեցաւ տեսակ քառից տա-
 րերացս՝ ի նկատմանէ աչիցս, ՚ի տուր
 և առութենէ հրաթոյն¹ շնչոյս, ՚ի
 շօշափելոյ մատանցս և ՚ի գնացից ե-
 ղեանաթիւր գարշապարիս: Զի ե-
 թէ ոչ էր բարերարութիւնդ քո կա-
 լեալ ՚ի կայի, զերակս լուծեալ էր
 արդեօք ակք յալիտենից, մթացեալ
 էութիւն լուսոյ հոսեալ յընդհա-
 նուրս ծովն երկնային² և խաւարեալ
 լուսաւորքն բարձանց, և կամ համ-
 բարք յալիտենական հրոյն գերակայ
 քան զտիեզերասոյզ ջրահեղեղին
 յորձանս ՚ի վերայ երկրի մածանէր
 ՚ի բարձունս:

Եւ զինչ ասացից զայնքան չա-
 րեաց պատճառ արարածոց յանձն

իմ լեալ, և զոր կորստեան վիհ նը-
 կատեցից 'ի միտս իմ, զոր անձամբ
 անձինս ամբարեցի. զորչափ անօրէ-
 նու թիւնս զանազանս և բազմադէմս
 'ի մարմինս իմ գրաւեցի, որ շղթայ-
 իւք հրեղինօք սլարաւանդեալ կա-
 լոց եմ ըստ իրաւանց առաջի սոս-
 կալի բեմբի քո, և իւրաքանչիւր կեր-
 սիցն դառն դահիճք դատախազ լի-
 նեւոց են առաջի աշխարհական ա-
 տենին, և այնչափ անդունդք բա-
 ցեալ զբերանս իւրեանց՝ սպասեն
 կլանել զիս: Զի թէ ոչ դարձցի
 արդար դատաստան քո յողորմութի
 դժուութեան, չիք 'ի ստեղծուածոց
 քոց յերևելեաց և յաներևութից որ
 ոչ հառաչեն առ քեզ հատանել 'ի
 վերայ իմ զանմահ մահն, և յայտ-
 նին վասն իմ անիմանալի ծածկեալ
 անըմբերելի տանջանացն տեսիլք,
 սոսկալի և քսամնելի բարկութեան
 տարափք, յորմէ զարհուրեալ սա-
 սանի դէհէնին բռնութիւք, և սոսկա-
 ցեալ դողասցէ տարտարոսին դառ-
 նութիւնն, որոյ յեղանակն ոչ փակի
 ընդ գրով, և ոչ ընդ միտս երևու-

Թացեալ տեսանի . որ և խաւարն
 արաաքին առ այն իբրև զլոյս մեծ
 համարեալ է , և հուրն անշէջ իբրև
 զպաղուամն ձմերայնուոյ . և բռնութի
 տարտարոսին իբրև զհուր տոչո-
 րեալ , և Թիւնք հրեղէն որդանցն իբ-
 րև զմեղու խորիսխ , և ամօթն յաւի-
 տենից իբրև զփառս , և մերկութիւնն
 իբրև զլոյս զգեցեալ : Զի քեզ միայն
 է իմանալի ահագին տագնապ աղե-
 տին և որպիսութիւն չարին , զոր ա-
 րարեալ էր վասն ապստամբաց քոց .
 և ինձ միայնոյ հանդիպեցաւ ըմբռո-
 նիլ 'ի նմանէ , զի օրն այն ահեղ՝
 վասն իմ սահմանեցաւ , և ես եղէ
 ասպարէզ հանդիսարանին , և վախ-
 ճան կատարածի ամենայն մեղաւո-
 րաց : Եւ այսպիսի անօրէնութեամբ
 զանկեալս զիա՞րդ ասրեցայց յահա-
 գին ատենին յերեսաց քոց , որ զան-
 գործս տեսանես , և զոչ եղեալն
 բերես 'ի կշիռս իրաւանց քոց , և
 զշուհ ամենայն մսեղեաց 'ի յօդս
 ցնդեալ և 'ի հող լուծեալ , 'ի ջուր
 մածեալ և 'ի հուր հեղեալ , 'ի քա-
 ուից տարերացդ այգոցիկ ածես կա-

ցուցանես առաջի քո 'ի տիեզերա-
 ժողով հրապարակին 'ի հանդէս դա-
 տաստանի, և խնդրես զիրաւունս
 յամենայն եկաց յէակացս. զի զա-
 մենայն ինչ զոր արարեր, 'ի նորո-
 գութիւնն փոխարկելոց ես, և 'ի գոր-
 ծոց քոց ոչ կորնչի ինչ, և ոչ վրիպի
 'ի մտածութեանց և 'ի խորհրդոց և
 'ի նկատմանէ աչաց և մտաց, որ ոչ
 անկանի 'ի ներքոյ գաւազանի ար-
 դարադատ իրաւանց քոց: Ապա որ-
 պիսի անդունդք անճողոպրելի ահա-
 ւորութեան քո ըմբռնելոց է զիս 'ի
 ժամուն յայնմիկ, և կամ ո՞րքան գե-
 հէն և բովք հրոյ բորբոքեալ ունի
 զանձամբ իմով. ո՞րքան անդունդք
 անգնդոց բացեալ զբերանս, և ո՞ր-
 չափ հոսումն հեղեղաց հրեղէն գե-
 տոցն 'ի մի վայր ծաւալեալ ողողեալ
 'ի խորան յաւիտենից՝ հերքել ունին
 զիս յերեսաց ահաւորիդ Աստուծոյ.
 ո՞րքան գաւազանք հրեղէնք բոլոր
 երկնային զօրութեանցդ իջանեն ու-
 նել 'ի վերայ գլխոյ գահավիժելոյս,
 և յորպիսի ամօթ ըմբռնելոց եմ
 բազմակերպարան մերկութեամբ,

որ բաւական է հալել զերկինս և
 զերկիր, թող թէ միայն զանձն վսե-
 րամիս հիբոյս: Յորժամ տարբեղէն
 արարածքս բոլորովին ամբաստանք
 ինձ լինիցին և անմարմնոցն համօ-
 րէն հնչին ձայնք ընդ նոսին. վասն
 զի լի լումամբ երկնօք և երկրաւ,
 մուրհակք չարեաց իմոց շեղձակու-
 տեալ կան առաջի ամենից տեսողիդ:
 Եւ առաւել քան զերկնային ամպն
 ծառանայ 'ի նոցանէ մրրիկք բոցոյ'
 ըստ իւրաքանչիւր չարեացն կերպի
 զոր գործեցի: Եւ ժահահոտութիւն
 շարաւոյ ըստ անբաւից տեսակաց
 տաղակացուցանէ զաշխարհաժողով
 հրապարակն, շարժէ զանբարկանա-
 լի բնութիւնդ 'ի բարկութիւն եղ-
 կելոյս: Այլ գիտեմ զանսահման
 սէր նախասինամութեան քո և զան-
 ճառ ողորմութեան. բացարձակեա
 զանբաւ գրունս ողորմութեանդ 'ի
 վերայ մեղաւորաց, և երկրաւորաց
 անգր քան զկարիս հոգւոց երկնա-
 ւորաց և հոգեղինաց. զի որպէս եր-
 կինք երկնից և ամենայն արարածք
 լրիւ իւրով մածեալ քան զհիւթ փո-

շնոյ միոյ , այնպէս առաւելեալ է գը-
 թութիւն սիրոյ քո քան զամենայն
 մարմնականաց , և հոգեղինաց միա-
 ցեալ 'ի նկատումն բարեաց • զի ոչ
 փակիս ընդ սահմանաւ , և ոչ կշռի ,
 և ոչ բերի ըստ միտս , և ոչ ընդ ծը-
 րաւ անկանի , զի ամենայնի զօրես •
 և յակնարկութենէդ միայն հալին
 երկինք և երկիր , ցամաքի ծով , և
 ամենայն բնութիւնք հրդեհեալ լու-
 ծանին • և ոչ կարէ կալ առաջի ա-
 հաւորութեան փառաց քոց բնաւին
 բարձրութիւնք և համօրէն խորու-
 թիւնք • զի 'ի քէն սարսեալ սաքրին
 խաւարային իշխանութիւնք , և ա-
 մենայն զօրք հրեղինաց ոչ կարեն
 ակնարկել յէութիւն անմատոյց լու-
 սոյ քո : Եւ եթէ հայիս յայդքան բա-
 րերար զօրութիւնդ և յիշես զուխտ
 ողորմութեան քո , կարող ես զիս
 կորզել յահագին կորստենէն և կըն-
 քել զօր վախճանի իմոյ 'ի գանձա-
 րան կենացդ յաւխտենից :

Ամենազօր , անճառ և անքննին
 Աստուածդ ահաւոր և ամենայն ան-
 հնարից հնար , հնարաւորեա հիքոյս

և եղիւլըոյս վերականգնիլ ՚ի խորասոյդ գլորմանէս և գալ ՚ի վեր, և արկ զառասանակ ողորմութե և զկարթ կենաց ՚ի սիրտ անեզրական խորութեան անսահման վճիս յոր մահար ձանեալ կամ. և զանկեալս ՚ի ժանխահնացեալ օձին՝ կորզեա կարող զօրութեամբ որպէս զԱստուած բարերար, և հրդեհեա անկրական հրով ահաւորիդ զերկաթակարծր զաշխարհագէզ՝ զանթիւ քօլ խաւարին մեղաց իմոց, զոր արձանացուցի ընդգէմ երեսաց ծայրագոյն լուսոյդ. հերբեա, հալածեա, անձառ ծագումն էութեանդ Հօր. ցրուեա փարատեա Հոգիդ իսկակից. խզեա, հըրդեհեա անքննելիդ յէութեան անհասդ Աստուած, և նկատեա յանսահման բարձրութենէդ զապականեալս չարեօք իմովք և անգնդակուլ կենցաղոյս :

Հրաշագործեա հիազօր զօրութեամբ երեքսրբենիցդ առ իս զձիր պարգեւացդ, որպէս ներգործեցեր անառակ որդւոյն և անկելոյն ՚ի ձեռս աւաղակաց. զի ակնարկումն

քո բաւական է կորզել զկորուսեալս
 'ի լուսոյդ մշանջենաւոր . որ ըստ ան-
 չափ գթութեանդ համարիս զհա-
 զար ամն անօրէնութեան դարձո-
 զացն առ քեզ իբրև զմի օր , և զար-
 դարութիւն միոյ աւուր գրես իբրև
 զհազար ամ . որ չափես զանբաւու-
 թիւն ծովուց անսահման յանցանաց
 իբր ամով մի , և որ ըստ մեծութեան
 երկնից՝ իբր թզաւ , և որ ըստ լուման
 աշխարհիս՝ քլաւ , որ կշռես ըստ լե-
 րանց բարձրութեան զանօրէնու-
 թիւնս 'ի քեզ գիմեւոց իբրև 'ի կը-
 շիւս զանկաց . և որ զտարածգութի
 դաշտաց անբաւութեանց բերես առ
 կշորդս . որ իբր կաթիլ մի 'ի գուլէ
 և մէտ մի փոշոյ համարիս առ ան-
 բաւութեան քո զտարրական գոյու-
 թիս . և զամենայն բնաւս իբրև զոչինչ ,
 և զոչ եղեալն ունիս 'ի վերայ ոչնչի
 ասաւոր զօրութի քով . զի անհաս են
 խորհուրդք քո , և ամենազօր ձեռն
 անեղիդ , և անհետևումն ողորմութի
 քո՝ անհպելի մնայ 'ի միտս եղեւոց :
 Վասն որոյ անյուսալի անձն իմ յու-
 սալի եղեալ միջնորդ և բարեխօս ու

նիմ առ համագոյութիւնդ զէական
 զօրութիւն Երրորդութեդ, զմայրդ
 լուսոյ Մարիամ, և զղէնարան ան-
 մահ Բանիդ, զբոլոր սէր սիրողաց
 քոց վերնոց և ներքնոց, և զպաղա-
 տանս աղօթից արարածոց քոց՝ ՚ի
 սկզբանէ մինչև յօրն աներեկ առ
 քեզ հասեալ, և զխորհրդականու-
 թիւն մահու միասնականիդ Հօր :
 Թող զյանցանս իմ բազում, քաւեա
 զանօրէնութիւնս իմ անբաւ, սըր-
 բեա ՚ի խղճէ չարեաց զգրուինս զգայ-
 ութեան իմոյ : Տուր ինձ դարձ ա-
 պաշխարութեան և զեղջ արտա-
 սուաց, և հեռացո ՚ի սրտէ իմմէ ըզ-
 չարին պատրանս . բեւեա յերկիւզ
 քո և ՚ի սէր զմիտս և զհոգիս . ար-
 ձանացո առաջի աչաց իմոց զերա-
 նութեան վիճակ աշխարհին կենաց
 և զահահեղ դժոխոցն . նորոգեա զա-
 պականեալս շնորհիւ քո, բաց զիմա-
 նալի աչս ՚ի տեսութի հրաշից քոց .
 վասն զի սրարեալ է ՚ի պատրանս
 սնտաի աշխարհիս և երկնատարած
 ասպարէզ եղեալ ՚ի հանդիսարանի
 բանասարկուն, և համահաւաքիչ ա-

մենայն չարեաց զօրէն ամենածայր
 ծովուն որ 'ի գոգս իւր կրէ զբազ-
 մութիւն ձկանց : Բժշկեա զբեկեալ
 մանրեալ զգօսացեալ ձեռն իմ . վասն
 զի 'ի բովս բորբոքման տոչորման
 մերոյ գեհնեին եղեալ է զամենայն
 ժամանակս , և լցեալ ամբարեալ յո-
 րովայն նորա զաշխարհագէղ փուշս
 չարեաց տատասկաց : Գաղարեցո
 զթիւր ընթացս իմ 'ի ճանապարհէ
 չարեաց որ միշտընթաց 'ի վերայ
 կայծականց անշէջ հրոյն շրջեցաւ ,
 և զլսելիքս իմ յուհկնդրութենէ
 մահագուշակ սլատրողին , զլեզուս
 'ի լուտական բարբանջմանց . վասն
 զի սուրբ հրեղէիք և շանթք և
 շփոթք փայլատականց յարաժամ
 թափեալք և թափին 'ի սմանէ :
 Սրբեա զմիտս և զնորհաւրդս և ըզ-
 սաւրացեալ զսիրտս 'ի զազրութենէ
 բազմահամար խանթից խոհերին .
 ցամաքեցո զյորձանս անթիւ անեզ-
 րացեալ տղմատարած ծովուց որ
 'ի սմա շեղձակուտեալ մթադին վը-
 հացն կան անծայրացեալ անգունդք :
 Եւ հան 'ի խորութենէ սորա զսլաքս

մրրկատարափա հրաթոյնս դաժա-
նութեամբ խոհերս և խաւարայինս .
վասն զի ամենայն կապտրձք անբա-
րեսէր իշխանին 'ի սմա թափեցաւ . և
հալածեա զգազանս անթիւս և բազ-
մակերպս բունեալ 'ի յորջս կեղա-
անուն վատշուէր անձինս , որ հա-
նապազօր անխնայ դահլիճք դաժանք
եղեալ՝ չարալուկ զողիս իմ 'ի մե-
տաղս անըմբերելիս տանջեն սաստ-
կավէրս : Այլ զհրաբորբօք բերան
իմ ցօղով ողորմութեան քո , և բաց
'ի բանս քո բարիս որպէս բարերար
և մարդասէր . բժշկեա զապակա-
նեալ անդամս իմ բօլորովին , վասն
զի չիք 'ի սմա առողջութիւն . այլ ամենայն
վշտօք հարուածաբեկ եղեալ
եմ 'ի կորստեան կարապետէն , զոր
քո միայն է կարողութիւն կենսագոր-
ծել , որ բարձեր զմեզս աշխարհի . և
ամենայն ինչ կարելի է քո անսահ-
մանելի աստուածութեդ : Որ զվէմս
արձանացեալ լերանցն յաւիտենից
հերձեր , և ընդ ծործորս նոցա ար-
ձակեցեր զվտակս աղբերաց , բաց
զառագաստ ապառաժեալ սրտիս , և

'ի համադոյական աղբերէդ արբո
 զպագբումն ծարաւոյս: Որ 'ի ծայ-
 րատաշ վիմէն արձակեցեր գետս ընդ
 անջրգին, հան 'ի խոսպանացեալ ըզ-
 դայարանաց գահավիժեւոյս արասոր
 արժանի ապաշխարութե. ըից զսո-
 վաբեկ անձն իմ 'ի փշրանաց ողոր-
 մութեան շնորհի քո, այդ որ բանաս
 զձեռնդ հզօր և կերակրես զամենայն
 մսեղիս, զի ոչ գոյ չափ և կշիւ զօ-
 րութեան ասաւորիդ, զի կամք քո
 գործ է կատարեալ: Որ յանհուն
 յաննիւթ վհէ խորութեան խաւա-
 րին մածուցեր զբնութիւնս ջուրց,
 և կապեցեր սանձեցեր զամէհի բը-
 նութիւն աշխարհակուլ ծովուն ա-
 լազաւ, և սահմանեցեր զոլորտս նո-
 րա բունութե անդնդային հողմով,
 և զզօրութիւն ալեաց նորա կար-
 կեալ կապէ ակնարկումն քո: Եւ
 արդ, տէր Աստուած, հզօր ասաւոր
 և անբաւ, ակնարկեա յանկշիւ բարձ-
 րութենէդ յանկեալս 'ի վիհն կո-
 րստեան խաւարային անդունդս ան-
 դրնդոց, և մի սահմաներ 'ի վերայ իմ
 զանսահման աստուածութեանդ ա-

մենակարութիւնդ, և մի ծանր գրեր
 զյաւխտենից կորուսեալս առ կոչումն
 կենացդ յաւիտենից: Մի կացուցա-
 ներ զհիւթ փոշոյ միոյ՝ ի դատաս-
 տան և յիրաւունս առաջի այգր ան-
 բաւութեանդ, որ ամենայն տարր և
 անտարր նուազեալ է առաջի քո
 քան կաթիլ մի յանբաւութենէ ծո-
 վու: Եւ մի հատաներ ՚ի վերայ իմ
 զվճիռ անմահ մահուն վասն սուրբ
 և սոսկալի աստուածութեանդ. նո-
 րոգեա զսպականեալս շնորհիւ քո,
 և ՚ի բաց ընկեա ՚ի գիտութենէ քում
 մէ զզազրալի տիղմն իմ դաժան յան-
 ցանացս, և զանակնկալս բարեաց՝
 արժանաւորեա հասանել ողորմու-
 թեան քում: Ի վերայ ամենայն հրա-
 շագործ արարչութեանդ արա զար-
 մանս և հիացումն երկնաւորաց և
 երկրաւորաց զծագումն ողորմու-
 թեան քո յայսքան անօրինեալս՝
 որ անյոյս համարեալ եմ յամենե-
 ցունցդ. զի ուր առաւել եղեն մեղքն՝
 առաւել ևս յաւելան շնորհքն քո,
 և փառք և մեծութիւն և ճոխութիւն
 համարեցար զգիւտ միոյ կորուսե-

լոյ • և ասացեր խրախ լինել ամենայն
 երկնային զօրութեանցդ • այդ որ զև
 մաստութիւն և զզօրութիւնդ հզօր
 և աստուածային և զփայլակնդ կե-
 նաց յայանեցեր արարածոց • և զհա-
 րուածս, զմեղս և զանօրէնութիւնս
 և զամօթ սլատկառանաց տանս Ա
 դամայ՝ աստուածացեալ մարմնով
 միասնականիդ քո բարձեր : Արդ
 վասն տնօրինական խորհրդածու-
 թեան համագոյիդ և մշանջենակցի
 հոգւոյդ, մի՛ ՚ի զուր գրեր ՚ի վերայ
 իմ զհանդէս որդւոյ քո սիրելւոյ, և
 ՚ի հեղմանէ աստուածային արեան
 դորս անմասն զիս մի կացուցաներ •
 և զմիշտ բարի բնութիւնդ՝ մի՛ ՚ի բար-
 կութիւն շրջեր ՚ի վերայ որդւոյս
 կորստեան : Գիտեմ զբարերար և
 զանհասանելիդ Աստուած, զի բարձ-
 րացաւ, տարածեցաւ, ծանրացաւ
 քան զտարերացս կշռութիւն՝ դառ-
 նութիւն բազմադէմ անօրէնութե
 իմոյ առաջի քո • և եթէ հրաժարեն
 երկնայինքն և երկրայինքս ՚ի փրկու-
 թենէ իմմէ, յիրաւի են : Զի հայելի
 և նկարագիր եղեայ ամենայն յան-

ցաւորաց, և յառաջընթաց կարա-
 պետ բազմաչար պատրողին, մինչև
 լինել մեղաց մեղք, և գտանիլ անօ-
 րէնութեանց անօրէնութիւնք, յան-
 ցանաց յանցանք, և անառակութեց
 անառակութիւնք, ստահակութեց
 ստահակութիւնք, անգիւտից չա-
 րեաց գիւտ, պատրանաց պատրանք,
 ստութեանց ստութիւն, անպար-
 կեշտ զառածեալ առ չարն, յառա-
 ջել առ չարիս, յօժար առ լկտու-
 թիւնս, 'ի կատաղութիւն, յանսահ-
 ման յանցաւորութիւն, յորկորամո-
 լութիւն, յագահութիւն անյադ,
 յարծաթսիրութիւն, և ամենայն
 մահահաւաք չարեաց հաւաքիչ. ին-
 ձէն գանձեալ անձին իմոյ բազում
 մթերս կորստեան անդնդայինս, դը-
 ժոխս, գեհենս, իսաւարս, տարտա-
 րոսս, խորխորատս անեզրականս
 հեռացեալս յամենայն ինամոց խը-
 նամողիդ: Եւ արդ աղաչեմ զանսահ-
 ման և զանբաւ ողորմութիւնդ՝ որ
 ամենայն յանցանք յանցաւորաց առ-
 քեւ իբրև զմէս մի 'ի փոշոյ են, և
 զարդարութիւն միոյ աւուր գարձո-

զացն առ քեզ գրես իբրև զհազար
 ամ, ողորմեա դառնացեալ եղկելի
 հիբոյս . և քեզ հայր սուրբ, հայր
 մեծութեան, Արդւովդ միածնիւ և
 ամենասուրբ Հոգւովդ, փառք յերկ-
 նաւորաց և յերկրաւորացս և մշտն-
 ջենաւոր գոհութիւն այժմ և միշտ
 և յաւիտեանս յաւիտենից . ամէն :

Բ

Յիսուս Քրիստոս Աստուած մեր
 ստեղծիչ ամենայն լինելութեանց
 երեւելեաց և աներեւութից, ծոցա-
 ծին ծնունդ անծնին, անբաւութիւն
 ահաւորիդ, զոր ոչ ոք յէիցս ետես,
 բայց միայն 'ի Բանէդ նորին . և ոչ
 ոք յաներեւոյթ խորս էութեանն նո-
 րա հասաւ, բայց միայն 'ի բղխմանէ
 Հոգւոյդ, որ եսդ մշտնջենաւոր հա-
 մագոյութեամբ առ Հօր և 'ի Հօրէ
 'ի վեր քան զկարծիս երկրաւորաց,
 և երկնային բնութեանցն, յորս ա-
 մենայն հրեղինացն հանդէսք նկա-
 տել կամ ակնարկել 'ի փառս էու-

Թեանդ ոչ կարացին : Եւ յայդքան
 յանբաւու թեցդ վասն կորուսեալ
 պատկերի քո տանս Ագամայ որ գե-
 րեալ յատակս մահու հրամած տար-
 տարոսին գանալի վերօք ապտակեալ
 'ի բանսարկուէն, առ ոտս նորա տա-
 պաստ անկեալ կայր : Զոր տեսեալ
 զայնքան տառապանս տարժանելոյն,
 որ անտեսդ ես յէու թեան Աստուած
 բանդ այնչափ զօրացաւ ողորմու թի
 քո առ ազգս մարդկան, մինչև հար-
 կեցուցանէր զանհարկելի բնու թիւն
 օրհնելոյ քո Հօր, և փառակցի Հո-
 գւոյդ և 'ի դուրս բխեալ 'ի ծոցոյ ծնու-
 զին ծայրագոյն անխմանալի լոյսդ
 էական ետուր զանքան և զանորակ
 աստուածու թիւնդ յապտակ մահու
 ընդ ամենեցուն : Եւ 'ի հաշտու թիւն
 մեզ շարժեցեր արարիչդ զարարիչդ
 ամենեցուն՝ առաքմամբ քո 'ի խնդիր
 մեզ կորուսելոցս : Եւ զայդքան ա-
 հաւորու թիւնդ ծրարեցեր յարգան-
 դի սուրբ կուսին • և կերպարանդ
 Հօր եղեր կերպարան մարդկան, և
 որ փակեալ ունէիր ընդ քեզ զամե-
 նայն տարր, փակեցար ընդ ժամանա-

կաւ : Յորմէ զարհուրեալ սակեան
 զօրք վերինք և ամենայն բանակքան
 մահից սոսկացան երկեղալից դողու
 թեամբ . զի զոր ծոցն Հօր միայն
 կրէր , ծնեալ եղեր յամարատ կու
 սէն Մարիամայ . և զոր Հոգի զօրու
 թեան քո զէական զօրութիդ միայն
 ճանաչէր , ամփոփեցար 'ի խաւա
 ըսողգած մարմինս , զոր հրեղինացն
 հանգէսքն ոչ կարէին ակնարկել յա
 թու փառաց , խանձարրասպատ ե
 ղեալ եգար 'ի մսուր : Որ զամենայն
 էութիւնս կերակրէր բան հրամանի
 քո , կաթամբք սնար սրբուհւոյն : Եւ
 զոր քերովբէական զօրք աթուոցն
 բառնալ ոչ կարէին 'ի գիրկս նորա
 հանգեար : Որ զերկինս երկնից սա
 աուանդան ոտից քոց ունէիր , 'ի յայ
 րին բազմեցար : Եւ որ զամենայն
 էակս յոչէից գոյացուցեր , ոչ գոյ տե
 ղի իջեւանի : Շնորհքդ և փառքդ ե
 րեսացդ Հօր համբուրեցար շրթամբք
 հողեղինի : Եւ որոյ զօրութիդ զհողմ
 և զհուր հատանէր , թլփատեցար .
 և համօրէն եղելոցս արարիչդ իբրև
 զստեղծուած ընծայեցար բարձրե

լոյն • յորոյ յերեսաց ահէդ փախ-
 չէին երկինք և երկիր , փախեար 'ի
 հերովդէէ • և որ զամենայն շրջանս
 երկնաւորացն ձգեցեր , շրջեցար 'ի
 յարկս մեղաւորաց • և զամենայն
 վիշտս տառապանաց նանրութեան
 կենցաղոյս կրեցեր , բարերար , բաց
 'ի մեղաց , վասն մեղաւորացս և յա-
 սրատամբելոցս յերեսաց քոյ • զի
 զյանցանս և զանօրէնութիւնս մեր
 հաճեցար քոյով աստուածայեալ
 մարմնովդ բառնալ :

Եւ արդ ես եղկելի հէգս և թշուա-
 աականս , որով զազրալի մտօք կա-
 ցից առաջի աներևութից տեսողիդ •
 զի փոխանակ այդմ անձառ սիրոյ ո-
 ղորմութեան քո , և առատաբուխ
 սարգևացդ առ նուաստութիւնս
 իմ երեւեալ , ամենայն անառակու-
 թեամբ ողողել զկեանս իմ , արտա-
 մերթեալ գտայ յերեսաց քոց , և ե-
 ղէ անդունդք ամենայն չարեաց , քան
 համօրէն եղելոցս տեսակ , և բարկա-
 ցուցի զանբարկանալի բնութի բարձ-
 րելոյդ : Զի արարի չարիս մեծամեծս
 անթիւս և անպատումս , բիւրադէմս

և ահադնալուրս , որոյ ոչ գոյ բաւ .
 զի որչափ առաւելան շնորհք բարե-
 րարութեանդ քո առ իս քան յա-
 մենայն որդիս մարդկան , ևս առաւել
 բազմացուցի զյորձանս մթութեան
 մեղաց , զահաւոր և զանձառ չարեաց
 զզազրութիւնս : Եւ պառակախիչ և
 վատնիչ եղէ քո երանաւէտ գան-
 ձուցդ , և կործանեալ ապականեցի
 զտաճար փառաց քոց , և մերկա-
 ցեալ գտայ յամենայն զարգուէ կա-
 պուտից երկնից արքայիդ . թէպէտ
 և աջ ամենազօրիդ բունն հարեալ
 ունէր զիս հանապազօր , զի մի 'ի
 վիհն յաւիտենական կորստեանն սա-
 հիցիմ . և ակնարկումն ոլորմութե
 քո 'ի չարին պատրանաց 'ի բաց հեր-
 քէր : Սակայն իմ կափուցեալ զաչս
 հոգւոյս միշտ զխաւարն անդնդա-
 կուլ շօշափեցի , և ոչ յիշեցի միշտ
 զբարեաց քոց թեւարկութիւն : Որ
 յարգանդէ և յորովայնէ մօր իմոյ
 մինչև 'ի չարալուկ ժամանակ ծե-
 րութեանս իբրև զհոսանս անձրեաց
 'ի վերայ իմ տեղացեր . և կամ որ-
 չափ զտաղտկացեալ անօրէնութիւ

իմով զանց արարեր, և վերացուցեր
 զցասոււմն բարկութեան քո, և հան-
 դուրժեալ համբերեցեր չարեաց գը-
 տողիս, թէ՛ ի քանի վտաց և՛ ի փոր-
 ձանաց հասելոց ՚ի վերայ իմ անվը-
 թար պահեցեր զիս, փրկիչ. և կամ
 յորքան խորոց վերածեր զիս, և կամ
 ՚ի քանի վարժից վսերական վերա-
 գին կորզեցեր զիս, կեցուցիչ. քան
 զի ոչ այնչափ հրաշագործեցեր երկց
 մանկանցն ՚ի հնոցին որչափ հնա-
 ցեալ չարիս : Եւ ոչ մեծին Գանիէլի
 գտաւ առաւել խնամք քո որպէս առ
 անբերունակ որթս, և ոչ իսրայէ-
 լագլինն քան զիմս գերազանցեալ
 գտաւ զարմանս անցանել ընդ անբա-
 ւութի խորոց Վարժիր ծովուն, և ոչ
 հրաշալիքն Յունանու քան զիմս վե-
 հագոյն երևել գտաւ : Զի անթիւք
 բիւրք բիւրուց ըստ այսմ՝ օրինակի
 իմոյ անարժան անձինս ՚ի քէն հան-
 դիպեցաւ հիազօր բարութիւնս :
 Զոր թէ ամենայն յաւիտեանք ժա-
 մանակք ինձ լինիցին և բնաւին լե-
 զուք հրեղինացն և մարմնաւորացս
 առ իս համահաւաքեալ գրաւին, զո-

զորմու թենէդ քո ճառել ոչ կարեն ,
 և զբարեացդ առատութենէդ բո-
 վանդակել ոչ կարեն : Եւ 'ի թար-
 թել աչաց միայն ոչ գտաւ սիրտ խմ-
 սուրբ առաջի քո . թէ յորքան օր-
 հասական կորստական մահուանէ
 ապրեցուցեր զիս բարերար , և կամ
 'ի քանի աներևոյթ թակարդից
 թշնամւոյն կեցուցեր զիս փրկիչ ,
 և 'ի քանի հնարից հնացեալ վե-
 րագին փրկեցեր զիս անհասդ Աս-
 տուած . և որչափ հնարս փրկութե-
 կդեր ինձ , և ես ոստուցեալ 'ի ձե-
 ոաց հզօրիդ և անկայ 'ի կապանս
 կապարանի կորստեան կարապե-
 տին , և ոչ յիշեցի զանզրաւն խրախ
 նախախնամութեան անհաւորիդ 'ի
 վերայ չարագործիս , այլ միշտ և յա-
 ւիտեան անխորշ և անսպտկառ կա-
 ցի յերեսաց քոց , և զանսպառ յա-
 ւիտենից զմահուն արբի զբաժակ :
 Քանիցս անգամ խոստացայ անկա-
 նել յերամս հօտի քո , և դէշ դա-
 զանաց անկայ . և կամ քանիցս ան-
 գամ եղի դաշինս դիմել 'ի դրունս
 քո , և առստանօք չարին կտալեալ

եղէ . քանիցս անգամ երգմամբ
 հաստատեցի հետևել առ հովիւդ
 երկնաւոր , և դարձեալ ձեռնարկե-
 ցի յերկունս մահու : Կամ քանիցս
 անգամ եզի միջնորդ քեզ զերամս
 սրբոց՝ անխրամատելի սահէլ զօ-
 րէնս քո , և դարձեալ՝ ի տուունս
 մեղաց շաղապատեալ եղէ : Քանիցս
 անգամ օրինազանց և ուխտագրուժ
 եղէ առաջի աներևութից տեսողիդ ,
 և կամ քանիցս անգամ շարժեցի զա-
 թոռ աստուածութեանդ անառակ
 վարուք խնովք : Քանիցս անգամ
 յայտնեցեր ինձ զմուտ ճանապար-
 հի դրանց երկնից , և ես դիմեցի առ
 անկնդամամ խաւարն . թէ որչափ
 պասքեալ և ծարաւի կացի յանմա-
 հական թոշակէն , և ոչ յապեցայ՝
 կայծականց հրոյ դեհէնին կիզանե-
 լով զմարմին իմ :

Եւ արդ զինչ արարից և կամ ո՞ւր
 թագեայց յաներևոյթ տեսողէդ . և
 կամ որով օրինակաւ և հնարիւք
 ասարեցայց յահագին դատաստանաց
 քոց , զի վհատեալ եմ և ՚ի կասկանս
 անյուսու թեան անկեալ . և ճար փրբ

կութեանն ոչ զոք ունիմ, բայց միայն
 'ի յայտնեալ փրկութենէդ աշխար-
 հի: Չի եթէ զերկինս ունիմ բարե-
 խօս, արձանացեալ է 'ի վերայ իմ
 որպէս պլինձ 'ի տեսութենէ բազ-
 մազան չարեաց իմոց: Եւ եթէ զու-
 սաւորս բարձանց, խաւար անօրէ-
 նութեանն իմոյ տարածեալ է ընդ-
 դէմ ճառագայթից նոցա: Եթէ հա-
 ոաչեցից առ երկնային զօրութիւնդ,
 շարժեալ են գաւազանաւ բարկու-
 թե անբաւիցն 'ի վերայ իմ: Եւ եթէ
 կարգացից առ սուրբս քո, դարձու-
 ցեալ են զերեսս իւրեանց սակս
 սաստկավէր չարեացս: Եթէ ազա-
 չեցից զտարերս աշխարհի. ոչ ունին
 լսել պաղատանաց իմոց. զի տաղա-
 կացեալ են 'ի չար շարաւոյ դառնա-
 վիժան յանցաւորիս: Եթէ կոչեցից
 յօգնականութի կորուսելոյս զազգս
 որդւոց մարդկան, վէրս 'ի վերայ վի-
 րաց եգեալ՝ առաւել սաստկացու-
 ցանեն 'ի վերայ պարտաւորեցելոյս
 զպարտս պատուհասից. քանզի ա-
 մենայն եղելութիւնք անեղիդ լցեալ
 են սասախ բարկութեան 'ի վերայ
 արժանաչար պատժապարտիս:

Եւ արդ տէր բարերար յո՞ երթայ
 ցեմ յողոյ քումմէ, և կամ յերե-
 սաց քոց ես յո՞ փախեայց. զի ա-
 խեալ փակեցի ես ինձէն զստասպա-
 րան յամենայն եղելութեանց զոր
 ձեռն հզօրիդ արար, և ակն ամենա-
 կալիդ նկատեաց: Այլ ամենայն
 անհնարութեանց հնար դու ես, և
 ոչ փակի ընդ սահմանաւ տկարու-
 թե. կարողութիւն անեղիդ, և ոչ կշռի
 մտօք և ոչ չափի անչափելի բնու-
 թիւնդ. զի ըստ աստուածային ձայ-
 նիդ կայ ևս ինձ յոյս փրկութեան,
 եթէ կամիս և անյիշաչար լինիս ըստ
 քում ամենաբարի և անփոփոխ տէ-
 րութեանդ: Ասան որոյ հառաչմամբ
 սրաիւ և ամօթալից կորացմամբ կար-
 կառեմ զաչս առ երկնաւոր նաւա-
 պետդ, և ունիմ աղերս և բարեխօս
 առ քեզ զքո անձառ ողորմութեդ
 զստուգութիւն, զէութիւն և զփառս
 քո օրհնելոյ, և զհամագոյութիւն
 հոգւոյդ սրբոյ, զերանեալ երրոր-
 դութեանդ միութիւնդ, և զչարժու-
 մըն զօրութեանդ և զուրախութիւն
 աննկատելի որ ՚ի մէջ երեքսրբենիցդ,

զգրկակցութիւն գերակայիդ ընդ
 գերալրական տէրութեանդ, զահեղ
 սուրբ անունն իսկական ինքնութեդ,
 և զանճառ ծնունդդ հայրական,
 զարտափայլումդ միշտ լուսոյդ 'ի
 մշտնջենաւորէն, զծագումն անո-
 րակիդ յանքանակէն, և զերգս փա-
 ռատրողական օրհնութե անհասկցն
 առ քեզ բերել հաճութեամբ, և
 զահագին տնօրէնութե խորհուրդ:
 'Նայեա յիս գթութեամբ, քաղցրու-
 թեամբ և ողորմութեամբ ըստ քում
 անհաս մարգասիրութեանդ. հեր-
 քեա զխաւար մթութեան մեղաց,
 և շիջո զբոց անօրէնութեան իմոյ
 առաջի երեսաց քոց:

Յիշեա յիշեա զանքնին և զանճառ
 գթութիւնդ, և արկ առաջի անսահ-
 ման տէրութեանդ զիջումն քո 'ի
 հայրական ծոցոյդ, զծնունդ քո յա-
 մենասուրբ կուսէն, զխանձարրին,
 զ'ի մսուր դնին, զկաթնասուն լի-
 նէն, զընծային, զտարաշխարհիկ
 լինէն յԵգիպտոս, զչրջին ընդ մե-
 զաւորացս, և զսահմանին անսահ-
 մանէլոյդ, և զփակին ընդ ժամա-

նակաւ, զի վասն մեղաւորացս զամենայն վիշտս նանրութեան կենցաղոյս կրեցեր :

Յիշեա յիշեա անհատանելիդ Աստուած, զմկրտութիւն քո սուրբ, զխոնարհումն դիտոյ դերագունիդ ընդ ձեռամբ կարապետին, զփորձիչն 'ի սասանայէ, և զաստուածահրաշնշան սքանչելեացն զոր ցուցեր առ ազգս մարդկան, զտառասպանս աշխատութեանցն զոր կրեցեր 'ի տիրասպան ազգէն, զի վասն մեղաւորացս հաճելի եղև քեզ այդ ամենայն :

Յիշեա յիշեա միասնական էութիւն չօր, զհանդէս մահու չարչարանացն, զօրն այն օրհնեալ յորում մեռուցեր զքեզ խորհրդաբար 'ի սուրբ վերնատունն, և զաստուածային մարմին և զարիւնդ շնորհեցեր 'ի փրկութիւն քո արարածոցս, զասպարէզ նահատակութեան քո 'ի ձորն Աեդրոնի, զկայլակս քրտանց արեանդ և զլթորումն արտասուաց, զահ և զերկիւղ ահաւորիդ մարդասիրասպէս, և զանկանելն առաջի բարձրելոյ քո չօր, զի վասն մեղաւորացս

սիրեցեր համբերել ամենայնի ամե-
նակալդ Աստուած :

Յիշեա յիշեա անտանելի բնութի
Հօր, զմրրկումն խուժանին Իսրայելի
'ի վերայ ահաւորիդ, զկապիւն, զքար-
շին, զանուր պարանոցիդ, զքան-
դիւն, զծանակիւն, զանճառ հայհոյ-
ութիւնն, զթուք ամօթոյն, և զապ-
տակ ծառային, զի վասն մեղաւո-
րացս կրեցեր զամենայն յաւիտենիցդ
Աստուած :

Յիշեա յիշեա իսկութիւնդ անո-
րակին, և զօրութիւնդ անքանակին,
զատենի կալն առաջի պոնտացւոյ
Պիղատոսի; զայսպանիւն 'ի Հերով-
դիայ, զհարուածս եղեզանն, և ըզ-
վէրս թիկանցդ, զկապումն բազ-
կացդ, և զմերկանալն աստուածային
մարմնոյդ, և զպսակն փշեղէն, զի
վասն յանցանաց մերոց համբերեաց
էակիցդ Հօր :

Յիշեա յիշեա անմահ և անմահից
Թագաւոր, զօրն սոսկալի յորժամ
բարձեր զգատապարտութե զփայտն
'ի վերայ կենսաբեր ուսոյդ, և կանգ-
նեցեր զառիթն կենաց 'ի մէջ երկրի,

զժամն այն օրհնեալ յորժամ տա-
րածեալ ունէիր զբազուկս քո 'ի
վերայ նորա, զճաշակ լեղւոյն և քա-
ցախին, զբացումն կողիցդ, զբեւե-
ռացն զկարծրութիւնն, զհայհոյու-
թիւնն. զի վասն մեղաւորացս յանձն
առեր զամենայն :

Յիշեա յիշեա մի մոռանար, կե-
նարար, որ վասն յանցանաց մերոց
զէլի էլին առ հայր կարգացեր, և
սպանողացն քոց խնդրեցեր թողու-
թիւն : Յիշեա յիշեա և զխոնարհումն
պարանոցիդ 'ի վերայ խաչին, զա-
ւանդումն հոգւոյդ, և զհեղումն ա-
րեանդ, զպաստառակալիլն և զ'ի
կարգ մեռելոց անկանիլն, զտքնիլն 'ի
տապանի, և զյարութիւնդ աստուա-
ծապէս. զի վասն կորուսելոցս կրե-
ցեր զամենայն կիրս տնօրինական
խորհրդեանդ, որ միշտ և էիր ես
և կեաս յաւիտենից ահաւորդ Աս-
տուած :

Եւ արդ տէր Յիսուս անքնին և ան-
ստիճան և բարերար, զինչ արարից
հէքս և եղկելիս, հողս և մոխիրս և
անարժանս, ոչ առաջի աստուածու-

Թեանդ միայն, այլ և զազրալի և
 րևի ատեսիլս ամենայն գործոց քոց,
 և արտաքսեալս 'ի կենդանական
 գոյից եօթնակացեալ կենցաղոյս,
 դատապարտեալս 'ի բնաւիցս աս-
 տէն, և զյաւիտենական տանջանացն
 ստանձնեալ զկորուստ: Այլ Թէ ո-
 զորմիս աստուածաբար ըստ քում
 անճառ տեսչու Թեանդ, և ոչ գրես 'ի
 վերայ իմ 'ի զուր զանօրէնու Թեան
 քո խորհուրդ, և կամիս մեծազօր
 առնել զփառս ճոխու Թեան քո 'ի
 հանուրս ամենայն, կարող ես փո-
 խարկել զիս յառաջին բարու Թիւնս.
 ոչ ասեմ 'ի շնորհսն օրդէգրու Թեան
 յօրմէ արտաքսեցայ, այլ միայն 'ի
 ստրկաց ստրկու Թիւն. ոչ 'ի հարա-
 զատ ընտանու Թի յօրմէ արօհեցայ,
 այլ յետին տնանկու Թիւն. ոչ 'ի հա-
 զորդու Թի երկնաւորացդ հանդիսի
 յօրմէ արտաքսեցայ, այլ 'ի ծառայ-
 ու Թիւն անարգաբար դոցին ծառայ-
 ակցացն. ոչ 'ի հրաւիրեալ երկնաւոր
 հարսանիս գերազան փեսայիդ, այլ
 յայնոսիկ որք արժանաւորին հայ-
 ել 'ի փառս նոցա: Ոչ 'ի բանակս

բազմեւոցն՝ ի յառագասան երրորդա-
կան տեսչութեդ, այլ ի ստորինս յայս
յերամս վերջացեալ մշակացն. ոչ ի
սեղան երանաւէտ արքայութեանդ,
այլ միայն ըստ արտաքսելոյ շան՝
արժանի լինել փշրանաց անկեւոցն.
ոչ ի հրճուումն տնկոց դրախտին,
այլ մերձ ի հրեղէն ցանգ սրբէա-
փակ պարսպին: Ոչ միայն այդմ ա-
մենայնի, այլ այնչափ միայն ողորմեա
զի հնար լիցի ինձ յահագին և յան-
ներեւի դեհէնէն պրծանել, և յան-
եզր յանսահման և յանթիւ պատու-
հասիցն ասլրել շնորհիւ և ողորմու-
թեամբ քո, որ ես օրհնեալ յաւի-
տեանս:

Գ

Տէր Աստուած զօրութեանց, ա-
հաւոր, բարձրեալ, հզօր, անսկիզբն և
անբովանդակելի. արարիչ ամենայն
եղանութեանց վերնոց և ներքնոց,
էութի անբաւ, համբարձեալ, յան-
ակնարկելի յաւիտեանս, անպարու-

նակելի էից և անէից, իսկութիւն
 ինքնագոյ, անհաս ամենայն մտաց
 սլացմանց, հեռացեալ ՚ի բնութենէ
 բոլորից, ինքնասահման անեղելու-
 թեան, անսպառճառ յաւիտենակա-
 նութիւն, անշարժ մշտնջենաւորու-
 թիւն, յաւէտ միշտ ինքնութիւն,
 անհետացեալ ՚ի կարծեաց ամենայն
 հոգւոյ, անքանակ և անորակ, անտե-
 ղի և աննմանութիւն, անձև և անա-
 նուն, անօրինակ և անտեսիլ, փա-
 կեալ արտաքոյ յուզման ամենայն
 զգալեացս: Եւ աննկատելի բնա-
 ւիմբ որ ինչ եղելութեանցս են տե-
 սակք, յորոյ աներևոյթ շարժմանէ
 կամացդ անգոյութիւնք ՚ի գոյութի
 փոխարկեալ ըստ իւրաքանչիւր սե-
 ոի մասանց, բաժանեալ առին ըզ-
 սահմանս բնաւին եղելութիւնք ա-
 մենազօրիդ, և յակնարկութենէ ան-
 սահման ահաւորութեան փառացդ,
 հեղեալ անբաւ հրեղինացդ բանակք
 տարածեալ կալան զանխմանալի ե-
 րանաւէտ աշխարհացդ զանեզրու-
 թիւն, զոր սլարզեալ որոշեցեր գե-
 րազարգիցդ հանգիսարան: Եւ ՚ի

շարժել շրթանց ահաւորիդ Աստու-
 ծոյ, հոսեալ՝ի հանուրս ծայրագոյն
 լուսոյդ ճառագայթ, զանպատրաստ
 խորացեալ խաւարին հալածեալ
 նսեմութիւն, կենդանաճնեաց ըզ-
 քողորիցս տեսակ, և ողորմութիւն
 նախախնամական սիրոյդ յանճառ
 էութենէդ թափեալ, ելից հոգւով և
 իմաստութեամբ, շնորհօք և զօրու-
 թեամբ զամենայն արարածս, որ
 նկարակերտեալ՝ի քումէ հրամանէդ
 եկին ՚ի մէջ: Որ անբաւդ ես և
 անեղ և անստեղծ, աննիւթ և աննմա-
 նութիւն, որոյ զանունդ միայն ոչ
 բարձրութիւնք և ոչ խորութիւնք,
 և ոչ ժամանակք և ոչ որ ըստ մեզ
 կարող են կրել շնորհիւ և բնութք
 միոյ որդւոյ Յիսուսի Քրիստոսի,
 բխող էականի հոգւոյդ իսկութիւն
 և լցուցիչ ողորմութեան, անկանխմ
 առաջի անհաս էութեանդ ամենա-
 ստեղծիդ անծայր անգունդս անօրէ-
 նութեան, և աննկատելի խորխո-
 րատս վհին յաւիտենից, հայցեմ՝ի
 հանուրց վերատեսչութենէդ վհա-
 տեալ վսերային վերամբարձեալ

ծովս անտարացոյց չանորդիս չա-
 րեաց : Ստացիր ամենազօր քեզ ա-
 նուն առաւել առ իս յուսահա-
 տեալ թշուառիս նորոգութի . կորո
 զգիր մուրհակի պարտեաց յոգնա-
 համար մեղուցելոյս , և զարժանա-
 հաս վճիռ մահու հոգւոյս ջրեսցես
 կայլակօք արեան որդւոյ քո սիրե-
 լոյ : Եւ մի փակեր գիմելոյս առ քեզ
 զառագաստ սրահի կենացդ յարկի՝
 զանզննելի զանխորհելի զանխմանա-
 լի աստուածութեանդ . ողորմութե
 գրունք քո բացցի բիւրասպառիժ
 պարտաւորիս , և զհիազօր անուն քո
 սուրբ հրաշապատումն կացո սակս
 իմոյ սասակավէր սլարտաւորելոյս՝ ի
 բոլոր բնութիւնս քո արարածոց , զի
 անսահման է ձիր պարգևաց ահա-
 ւորիդ Աստուծոյ՝ ի վերայ ահաբե-
 կեալ հոգւոց : Մի արոհեսցես ի բա-
 րեաց քոց բազմականացդ , բազմա-
 գութ . մի պահեր ի գանձարանիդ
 զնիւթեալ պարտուց իմ անորէնու-
 թիւն : Մի կնքեր ի քսակ բարեացդ
 զզազրութեանցս իմ գարշութիւն ,
 մի տարածաներ առաջի ամենատես

աչացդ զանթիւ կերպարանս չարի
 անօրէնութեան իմոյ մտացս : Մի
 հրատարակեր 'ի մէջ երամի երկնա-
 դումար դասուցդ , մի երևեսցի մը-
 րուր մթութեան չարահոտ մեղացս
 'ի սահման անծայրագոյն լուսոյդ . և
 մի արձանացի յիշատակ անցաւո-
 ըիս առաջի աստուածութեանդ , ո-
 ռոյ անուէդ քակտեալ լուծանէ զա-
 մենայն ախս աշխարհիս : Մի երկարս
 ինձ զխղիւսայթեալ վէրս 'ի մարմնի
 իմում ծածկեսցես , և մի զփառութի
 նեխութեան ցաւոցս ինձ տնկակից
 մահու մնացուցես . այլ բարձ բա-
 նիւդ ողորմութեան և հնարաւոր
 դթութեամբդ : Հայր մեծի խորհրդ-
 դոյ մեծ խոցուածոյս զօրեղ սպեղա-
 նիս , և կարէվէր կործանմանս բարի
 այցելութիւն : Մի որոշեր զիս 'ի
 գնոյ արեան հարազատի որդւոյ քո
 սիրելւոյ . և մի վրէժխնդիր լինիր
 ստամբակելոյս 'ի հրամանէ նորին :
 Մի արկաներ ընդ գաւազանաւ սլա-
 տուհասի զպարտապանս գանձուց
 նորա , և մի 'ի գերութիւն յաւիտե-
 նական կորստեանն մատներ զգահա-

վիժեալս 'ի գերունակայու թենէ ան-
 քանակին, մի արտաքսեսցես 'ի գաւ-
 թէ քումմէ զկորուսեալս, զոր նկա-
 տեցին աչք միածնիդ քո վերայ խա-
 չին. և մի հեքքեր յարտաքին խա-
 ւարն զազատեալ անդամս էակցիդ
 քո: Մի կափուցաներ 'ի վերայ իմ
 զվիհն մեծ անըմբերելի սատակմանն
 յաղագս որոշմանն իմ 'ի սիրոյ նո-
 րա, և մի յաւիտեան բարկանար յա-
 լիտենիցդ Աստուած յաւիտենից կո-
 րուսելոյս:

Ասն անօրինական տնտեսութե
 և նախախնամական սիրոյն միածնի
 քո յարարածս՝ զանկեալս 'ի պար-
 գեաց շնորհէ նորա ընկալ, և նորո-
 գեա յիս վերստին զազատութիւն
 կտակ որդէգրութեանն այնմիկ, զոր
 առաքեցեր 'ի ծոցոյ մեծութեանդ 'ի
 փրկութիւն աշխարհի: Ստացիր զիս
 քեզ կրկին նոր արարչութիւն, և
 զանուն ահաւոր զօրութեան փա-
 աակցին քո որ կոչեցեալ է 'ի վերայ
 իմ, սուրբ արա ճշմարտութեամբ
 քով, և մի տար տանիլ գերի ապա-
 կանիչ ոճրագործին: Յիշեա զի կո-

չեցեր զիս յանուն միածնիդ քո քրիստոնեայ, և ծնաւ զիս վերստին ամենազօր հոգիդ սուրբ 'ի հարազատութիւն սուրբ արգանդի. արդ մի կորչեացէ ստունգանել արկուած չարին զայնքան խորհրդածեալն 'ի քէն բարեզարդութիւն : Եւ մի զգրոշմ երրորդական դաւանութեանդ մատներ 'ի կորուստ յաւիտենական սատակմանն վասն եռանձնեայ միութեան համազօրիդ Աստուծոյ, և վասն չարչարանաց քո անստեղծ և անեղծ պատկերիդ :

Հայր սուրբ, հայր մեծուէց, հայեաց 'ի քահանայապետ մեծի խորհրդոյդ Յիսուս Քրիստոս, 'ի բանդ, 'ի սէրդ, 'ի գթութիւնդ, 'ի շնորհսդ, 'ի բարերարութիւնդ, 'ի կերպարանդ, 'ի կարութիւնդ, յիմաստութիւնդ, 'ի զօրութիւնդ, յամենակալ աստուածութիւնդ, միասնականութիւնդ : Որ կամաւ քո զամենայն արարածոց յանցանս իւրով աստուածացեալ մարմնովն եբարձ. և այժմ ընդ ամենեցուն բարեխօս ևս առ քեզ կալով սրբել և մաքրել զսպի վիրաց

սուրբ արեամբն իւրով, կացուցանէ
անարատ առաջի քո: Արդ հայեա
յիս բարերարութեամբդ անհասու
թեանդ, անսահման ողորմութեդ,
անկշիռ առատաբաշխութեամբդ ան
չափելի. որ քաւութիւն և թողու
թիւնդ ես բազմապարտեաց, թող
ինձ զանհուն և զանեզրացեալ անօ
րէնութեան բեռինս երկնակատարս
և զծովածաւալ հոսումն հեղեղաց
չարին՝ ի վերայ իմ տարածեալ՝ փա
րատեա որսէս բարերար ըստ քում
մշտաբարի ողորմութեանդ: Հաշ
տեա անոխակալ և հաշտեցո զսու
դութիւն Որդւոյ և Հոգւոյ՝ ի վերայ
բազմապատիժ սարտաւորիս քան
զամենայն որդիս մարդկան, և ընկալ
զգառնացեալ անձինս սաղատանս
ըստ քում ամենազօր քաղցրութեդ:

Եւ զիարդ ես մեղաւորս լի ամե
նայն յանցանօք կարացից բանալ
զբերանս բազմապատիժ առաջի ա
հաւորիդ Աստուծոյ, որ մայրս եղէ
մեզաց, և կտակ ամենայն անօրէնու
թեանց, անդունդք խորութեան խո
րոց, և ասսարէզ հանդիսարանի

Հնացեալ Հրապուրողին : Եւ կամ
 որով ամօթով կացից յանդիման ա-
 ներևոյթ զօրութեանդ այդ, յորմէ
 գողան անգուևդք, լուծանին տա-
 րերք, հալին արարածք, սոսկան
 հրեշտակք, սարսափին ամենայն գե-
 րադոյական զօրութիք հրեղինացն,
 և խուսափեալ երկիւղիւ մեծաւ յա-
 հէ հրաշափառ փառացդ տագնա-
 պին, և ըստ արժանի մեծութեանդ
 'ի յօրհնութիւն, 'ի գովութիւն և 'ի
 փառաբանութիւն անարժան դտա-
 նին : Զի երրորդութիւնդ առ եր-
 րորդութիւնդ միայն է արժանաւոր
 պատուոյդ սահման . և զամենայն ո-
 ղորմութեամբ կառավարես՝ անհը-
 պելի եղեալ քոյոյդ հետազօտման .
 քանզի ամենայն տարրական էութեան
 բերան կարկեալ է 'ի քո էա-
 կան պատուոյդ արժանաւորութեց :
 Եւ յահ և յերկիւղ ըմբռնեալ բը-
 նաւս ամենայն, նա և կաճառք հրե-
 ղինացն երկիւղալի դողմամբ 'ի քէն
 սարսեալ սաքրին . և անճառ բնու-
 թիւնք ասեղակերպիցն հալեալ տա-
 պակին 'ի հրակիզմանէ փայլատա-

կանց ահաւորիդ Աստուծոյ զարհու-
րին 'ի հրաշակերտ անձառ ծայրա-
գոյն լուսոյն, և անըմբերելի սարա-
պատեն զդէմս իւրեանց բոցանիւթ
թեօք: Քանզի եթէ կայր հնար
փախստեան, ոչ կարէր կալ երկինք
առաջի քո և ամենայն տարրական
տեսակս. և երկիր լրիւ իւրով հան-
դերձ անդնդային հաստատութիւն
հեղոյր յայլ ևս անհուն խորութիւն:
'Նա ևս երկնից երկինք թէ ու-
նէին ևս տեղի թագստեան, ոչ հան-
դուրժէր կալ 'ի ներքոյ պատուան-
դանի ոտից քոց. և եթէ գոյր հնար
ծածկութե, ամենայն բանակք ան-
մահիցդ գիմեալ անկանէին 'ի նա
յերկիւղալի հիահրաշութենէ ար-
փիափայլ ճառագայթից բազմօրի-
նակ թորման լուսոյդ. և 'ի ձեռին
քում էր և է և կայ ամենայն շունչք
և անշունչք:

Եւ զիարդ ես քան զամենայն մարդ
եղկելի եղեալս և անարժանս բնա-
ւին երկնի և երկրի առաջի այդմ ա-
հաւորութեանդ յանդգնիմ կարգալ
զանուն քո սուրբ անսուրբ անձամբս

և անօրէն մտօքս, որ անբարեսէր
 դիւացն զազրալի գտայ, թող թէ
 այդմիկ որ հրեշտակացն բնութիւնքն
 չեն սուրբ առաջի քո: Քանզի չիք
 հնար ճառել կամ ընդ թուով ար-
 կանել զանեզրական անսահման չա-
 րեացն իմ յիշատակ, և զհարուածոց
 հոգւոյս տալ զտարացոյց: Զի եթէ
 զմիոյ աւուր զհեղեղս միայն բերես
 ՚ի հանգէս, թող թէ զայնքան ժամա-
 նակաց անցելոց, որ յարաժամ ան-
 ծայր անգունդք մրրկաց անօրէնու-
 թեան, երկնաշրջան անբաւութիւնք
 զինև շեղակուտեալ եղև, կարծեմ
 թէ ցանկ յաւիտենիս այս բացեալ
 զբերան իւր՝ առցէ զիս ՚ի խորութի
 արտաքին խաւարին, և ամփոփեսցէ
 զիս յանյագ որովայն տարակացեալ
 տարտարոսին. կամ փայլատակ-
 մունք կիզանողական կայծականց տո-
 չորման անշէջ արփւոյն տեղասցեն
 ՚ի վերայ իմ իբրև զտարափս անձ-
 րեաց: Եւ դարձցի լոյս տուրնջեան
 ՚ի խաւարի, և ճառագայթք տարա-
 ծեալ արեգականս՝ նետս հրաբոր-
 բոքս ՚ի վերայ իմ թափեսցեն. և ոչ

Հանդուրժեցէ սուր քոցակէզ երկ-
 նաւորացն բնաւին առ վրէժխնդիր
 վրիժապարտիս ժամանեւ. և կամ
 ոչ ևս անխայեցէ յիս դաւազան
 բարկութեան անբարկանալի բնու-
 թեանդ : Եւ եթէ ոչ էր սանձեալ
 ներողութիւն քո զտարերացս է-
 ութիւն, փախնուին արդեօք յինէն,
 և դժոխք աղաղակէին կորզել առ
 ինքեանս 'ի ձեռաց քոց զիս կենդա-
 նւոյն . զի դառնացեալ մեղօքս յա-
 րաժամ զդառնութիւն որոմանց ո-
 զորձեալ մթերեցի համբարս առ 'ի
 նիւթ տոչորման յաւիտենական ան-
 շէջ հրոյն : Զի թէ Ղամէք եօթա-
 նասնեկին եօթն եւս վրէժս ըստ իրա-
 ւանց դատաստանիդ, ապա անթիւ
 բիւրս բիւրուց չարիս մեծամեծս,
 տանջանս, դանս, մահս և գեհեանս
 դաժանս պատրաստեալ է ինձ ա-
 ռաւել քան ամենայն երամի մեղաւո-
 րացն, այն որ զյաւիտենական կորըս-
 տեանն կրեցին զվիշտս . զի որ անյիշե-
 լին և փոքրն է յաչս իմ երեւեալ ար-
 կածք յանցանաց, մեծ է առաջի քո
 քան զբիւրաւոր պատժապարտացն

ծանուենս : Զի լցեալ գիտութեամբ
 անտանելոյդ շնորհօք՝ ոչ խորշեցայ
 և ոչ պատկառեցայ յերեսաց քոց ,
 և ոչ արարի զըսալի թարթել աչաց
 միայն որ ոչ դառնացուցի զկամս ա-
 նեղ երրորդութեանդ : Եւ շարժեցի
 զանշարժ աթոռ աստուածութեանդ
 հանապազօր ծանուենս և անըմբերե-
 լի հրահոսանս բոցով յանցանաց . և
 աչք քո տեսանէր և ահանջք քո լսէր ,
 և ամենայն երկնային զօրութեանցդ
 առաջի հրատարակեալ յայտնի ե-
 րևէր յանցանք իմ . և ես յարբեցու-
 թենէ չարին մրրկեալ՝ ոչ զարհու-
 րէի , և ոչ սոսկացաւ լիտի դէմք իմ
 ամօթալի : Եւ թէ զիարդ ներէր և
 համբերէր ահաւորութիւն բարձրե-
 լոյդ՝ ես ոչ գիտեմ : Բայց զայս գի-
 տեմ , որ թէ ողբան երկինք և եր-
 կիր , ծով և խորութիւն անդնդոց , և
 ամենայն բանակք անմահիցդ եղե-
 րամայրս լինիցին , չեն բաւական իմ
 անբովանդակելի կորստեանս : Եւ
 եթէ մոխեսցին ամենայն տեսակք
 տարրական գոյիցս մտօք և բնութի-
 ՚ի կերպարանս մարդոյ , աւազ ծո-

վու և շիթք անձրևաց հանդերձ ամենայն շարժողական էութեամբ, համօրէն հարազատք ինձ լինիցին, և հանցեն առաջի քո արտօսը՝ հանգոյն երկնային և երկրային արեգեբատարած ծովուց, ոչ փարատի երկիւղ յաւիտենական կորստեանն՝ ի սրտէ խմէ, եթէ ոչ նշոյլ ողորմութեան քո հասցէ՝ ի թիկունս խմ, զի քեզ միայն է կարողութիւն փրկել զիս որ բարձեր զմեզս աշխարհի: Վասն որոյ ամենասուրբ Երրորդութեանդ Հօր և Որդւոյ և ամենասուրբ Հոգւոյդ փառք և երկրպագութիւն այժմ՝ և միշտ և յաւիտեանս. ամէն:

Դ

Եւ արդ տէր Յիսուս, անմահ և անմահից թագաւոր, յորժամ յիշեմ զառատաձիր պարգևս քո առ իս, առաւել երկիւղալի զարհուրիմ. զի ընդ այդքան բարեացդ այսչափ անօրէնութիւնս մթերեալ ժողովեցի, որ և ոչ չափ ծովու ՚ի կշիւս ե-

րևի, փոխանակ այնորիկ որ առա-
 ւել քան զամենայն որդւոց մարդ-
 կան առ իս բազմացուցեր զսէր և
 զողորմութիւն քո: Քանզի ՚ի ստե-
 նէ մօր և յարգանդէ աւազանին ա-
 ուալ բարձրացուցեր զիս ՚ի վերայ
 բազկաց քոց, հարազատ զիս քեզ
 արարեր, և զհայր քո զանքնին և
 զօրհնեալ՝ հայր ինձ կարգացեր .
 բացեր զամենայն դրունս հոգւոյ
 շնորհաց առաջի իմ, և հարսնարան
 իսկ Նրբորդութեանդ յօրինեցեր,
 պարակից հրեղինացն նկարագրե-
 ցեր, և հաղորդս աստուածային ընթ-
 րեացդ հրաւիրեցեր, և ՚ի բարձրու-
 թիւնս հրեշտակաց և հրեշտակա-
 պետաց հաներ, և առ զուարթունս
 և տէրութիւնս հետազօտեցեր, պե-
 տութեանց և իշխանութեանց ա-
 րարեր խմբակից և կաճառակից .
 սերովքէից և քերովքէից հաւասա-
 րեցեր, նա ևս գեր ՚ի վերոյ քան զա-
 մենայն իմանալի զուարթնոցն հան-
 դէս՝ հուպ յՆրբորդութիւնդ կոչե-
 լով, ամբարձեր զկնքեալ ախս ա-
 ոագաստացն առաջի իմ, ՚ի մասն որ-

դեպրութէ վիճակին մահագրելով
մատամբդ այդ՝ որով նկարեալ եղև
երկինք և երկնայինք, գրոշմեալ կայ-
լակացեալ արեամբդ այդ որ հոսե-
ցաւ յաստուածային կողիցդ : Յայտ-
նեցեր զանկապուտ դանձդ հայրա-
շարժ էական տէրութեանդ, և հա-
զարապետ խորհրդոյն անհաս, և
ժառանգորդ մեծութեանդ ահաւո-
րի, զոր խոստացար լինել հայրա-
խնամ սիրով. և ոչ արդէլեցեր յամե-
նայն բարութեցդ յանբաւութիւնդ,
այլ անձնիչխան կացուցեր զիս,
յորս ակնաբրկելով ցանկալի քան
զհանուերս երևեցուցեր ըստ քում ա-
ռատաձեռնութեանդ զոչ արժանիս
կենաց :

Եւ ես յայդմ անբաւ բարձրու-
թենէդ կամաւ խոնարհեալ անկայ
'ի տիղմ և 'ի դռեհս մեղաց . և փո-
խանակ այդմ անձառ լուսոյդ ուր
ամենայն բնութիւն հրոյ և լուսոյ
բնաւին երևեալ յարարածս յամե-
նայն ժամանակս՝ երևեալ առ այդ
իբրև զփոշի անարգ խոտոյ : Եւ փո-
խանակ սիրոյ երկնից արքայիդ գիրկս

արկի մահաբեր երկանց կենցաղոյս,
 որ է ստուեր և երազք զարթուցե-
 լոց, ունայնութիւնք ունայնութեց
 և վիշտք հանապազորդեան: Եւ խրա-
 խացայ 'ի գիրկս որջացեալ օձին, ո-
 ռոյ թոյնք դաժանութեան կիզեալ
 զարարածս աճիւն հնոցի դործեաց:
 Եւ ցանկալի եղեն ինձ առօրեայ
 դառնութիւն մրուր մեղաց հոսա-
 նուա բնութեան քան զանհամեմատ
 ուրախութիւն երկնաւոր հարսնա-
 րանիդ և զտեսիլ անճառ ճառա-
 գայթի հիասրաշութեան բազմելոցն
 'ի փառս ահաւորութեան բարձրե-
 լոյդ, որ բնաւ ամենայն մեծութիւն
 բոլորից կենցաղոյս և ցանկալիք ա-
 չաց և մտաց իբրև զստուեր երազոց:
 Հոսեցայ սահեցայ անկայ եղկելիս 'ի
 յաւիտենից գերալրութենէդ ամ-
 բարձման անճառիցն 'ի յանբակ խո-
 րութիւնս խորոց, որ անգունգք
 անդնգոց իբրև զերկինս երկնից 'ի
 վերայ իմ բարձրացեալ կայ: Եւ
 փոխանակ ակնարկելոյ ծայրագոյն
 լուսոյդ՝ այդ որ բնաւին բնութիւն
 լուսոյ և հրոյ որ եղեալ է յարարածս՝

Իբրև շոշափելի մէգ Թանձրատարած
 և զվիմարդեան կարծրութիւնք և ա-
 ու զյաւխտենական կորստեանն սահ-
 մանս որ կիզու զհուր իբրև զխուր և
 առ չարութիւն սրդանցն 'ի նմանէ
 հոսելոց զոր պատրաստեալ է սա-
 տանայի և կամարարաց նորա՝ ամե-
 նայն Թոյնք սողնոց որ 'ի կենցաղս
 եղեալ են և լինին քաղցրագոյնք են
 քան զճաշակ միոյ ջուրց ծարաւաց
 անձրեաց : Եւ փոխանակ ստղոյ ան-
 մահական գրախտին և խրախութե-
 րկնաւոր սեղանոյդ և երգոցդ ան-
 մահից ճաշակեցի զկայծակունս հրոյ
 գեհէնին , և արբի զյորձանս բոցե-
 ղէն գետոց , և լալ աչաց և կրճեւ
 ատամանց եհաս ինձ բաժին , և տո-
 չորումն սապոյ արտաքին մըրկացն
 խաւարի եղեն ինձ հանգիստ : Եւ
 որովայն անշէջ բոցոյն որ 'ի գոգս
 իւր գրաւեաց զգիւղադարան եղկե-
 լիս , և ըմբռնեցայ փախուցեալ յե-
 րեսաց ահաւորիդ և անկայ 'ի բովս
 վարմից տարտարոսին . առ տասպայնր
 տապակաց որ իբրև զստղումն ձմե-
 րայնոյ է՝ համօրէն Թոյնք դառնու-

Թեան հիւսիսային սառնամանեացն
 իբրև զհուր բորբոքեալ երևի առա-
 ջն բնուԹեան տարտարոսին, յորոյ
 յատակսն սատակման անկեալ կամ
 առաւել ևս պատժոց արժանաւորս:

Վրիպեցայ մերժեցայ յանպա-
 տում և յանիմանալի բազկացդ յան-
 նկատելի ահաւորուԹեց երեքսրը-
 բենից փառացդ, զորոյ միայն զէու-
 Թիւն հրամանատարի միոյ ոչ կա-
 րեն բովանդակել երկրային բնու-
 Թիւնքս: Եւ քակտեալ լուծանին
 յարտափայլմանէ փայլատականցն
 հրանիւԹիցն հոգեղինաց, որպէս ե-
 րամք երկնաւորացն յահեղահրաշու-
 Թենէ փառաց քոց. և ամենայն երկ-
 րաքարչքս պատրանք են պատրողին
 և առասանք կապանաց վարմից անե-
 րևոյթ խորացելոյ բանտին և պարա-
 ւանդ յաւիտենից կորստեանն, ցեցք
 և մէցք շարաւոյ ժայթքեալ որ-
 դանցն, զորոյ զհեա երթեալ եղկե-
 լիս կամակոր մտօք՝ զայնքան տաղա-
 կուԹիւն գառնուԹեան քաղցր ՚ի
 վերայ իմ վարկանէի պատահումն:
 Եւ յանդունդս խորոց հրամաճ նսե-

մութեանցն այն հրճուէի փոխանակ վերնագունի անճառելի խրախուծէ փառացդ, որ ոչ ական տեսանելի է և ոչ ունկան լսելի և ոչ 'ի միտս մարդոյ անկանելի զոր սրատրաստեցեր սրբոյ քոյ, աննախանձդ Աստուած :

Եւ արդ ես տարակուսեալ տագնասպեալ 'ի տուուենս մեղաց հնգեկին զգայութեամբս՝ զյաւիտեան կորրստեանն դրաւեալ դատակնիք՝ անպատասխանի եղեալ առաջի ահաւորիդ, զինչ աւացից և կամ որով ամօթով քացից զբերան իմ և կամ որով մտօք զանչափ յորձանս մըրըկաց ծովուս բերից 'ի համար առաջի ծածկագիտիդ, որ և անգործքն ևս հրատարակեալ երևին առաջի քո : Զի ո՞ կռէ զախս յաւիտենից բաց 'ի քէն տէր, և ո՞վ բերէ 'ի թիւ ըզծփումն տարածման ալեաց ծովու, եթէ ոչ ամենակարող զօրութիւն քո և ամենազօր ձեռն քո, անեղզ և անհնարինդ երկնաւորաց և երկրաւորաց : Քեզ ամենայն ինչ հնարաւոր է, և հազար ամն իբրև զմի օր

և մի օրն իբրև զհազար ամ համա-
 րեալ է զքեզ յողորմութիւնս և 'ի
 գթութիւնս : Մի նշաւակ չարեաց
 կացուցաներ զիս 'ի մեջ երկնից և
 երկրի, և մի արմատասցի 'ի միտս ա-
 մենաղորմիդ վասն իմ նկարումս չա-
 րեաց : Մի տարագիր աւներ 'ի մա-
 տենի կենացդ զոր նկարեցին մա-
 րունք քո օծմամբ իւղոյն օրհնու-
 թեան, և մի զորդեգրութեան կը-
 տակն իմ տար 'ի ձեռն թշնամոյն
 արդարութեան : Մի զկշիւ ապրս-
 տամբին իմովս ծանրացուցաներ, և
 մի տար գերի վայրենական դայլուն
 զսիրելի ծնունդ սուրբ աւազանի
 քո, և զնախկի դաւանողս եղեալ
 երրորդական շնորհիդ. և մի տալ
 ճարակ յաւիտենից հրոյն զոր ներ-
 կեցեր արեամբ մարմնով, և 'ի գինս
 արեան էական աստուածութեանդ
 գրեցեր : Չօրացո զաստուածային
 կամս բարեացդ 'ի վերայ իմ որպէս
 'ի հետևումս մարմնաւորութեանդ
 զօրացաւ, և համարեա կրկին 'ի վե-
 րայ իմ զկիրս տնօրէնութեանդ կա-
 տարեալ. և առաւել արարչութիւն

և հրաշագործութիւն ինձ յայտնեա
 յերկինս և յերկրի զև կարող ես : Եւ
 մի յաղթեսցէ նկուն եղեալն՝ ի քում
 անսահման զօրութենէդ . և մի ար-
 ձանասցի մթութիւն խաւարին ա-
 ռաջի այգմիկ , որ և զհրակիզիչ բը-
 նութիւնս հրդեհես . և մի կիզցէ
 բոց հրաթոյնք կայծականց բանսար-
 կուին զանծայր ծովդ աննշանակելի ,
 և մի յանեզրական յորձանս քո ար-
 ծարծեսցի այրումն բոցոյնորա : Մի
 կափուսցէ մէջ տարբերական զանրս-
 տուեր լոյսդ արեգականդ արդարու-
 թեան , և մի երևեսցի անհուն խորու-
 թիւնք սանդարամետականին գեր ՚ի
 վերոյ բարձրութեդ այդ , որ բիւրք
 բիւրուց և հազարք հազարաց ան-
 դունդք անդնդոց ՚ի ներքոյ քո փա-
 կեալ կայ . և մի զանփոփոխելի կամս
 քո բարի շքեր ՚ի դառնութիւն վասն
 որդւոյս կորստեան : Զի զինչ է մէտ
 մի փոշոյ առաջի քո , կամ տերև մի
 անկեալ ՚ի ծառոյ , որ և ոչ ամենայն
 արարածոց յանցանք այնչափ երևի
 առաջի ողորմութեան քո :

Յիշեա յիշատակդ յաւիտենից ,

զանսահման սէրն յաւիտենից, յորս
 ոչ հետազօտեցին երկնայինք և երկ-
 րայինքս, և արկ առաջն գթութեդ
 անբաւական զիջումն քո վասն մե-
 ղաւորացս՝ ի հայրական ծոցոյդ. զի
 վասն մեր աղքատացար, անբովան-
 դակելիդ երկնից և երկրի, և զհան-
 դէս մարտիրոսական կրից կրեցեր
 վասն կորուսելոցս ՚ի կորստական
 աշխարհէս, և անձառ մեծութիւն
 ստացար քեզ վիշտս չարչարանաց,
 և սլատիւդ անզուգական, զթութն և
 զապտակն, փառքդ անքնին զմահ
 խաչին, և խրախուծիւնդ անհամե-
 մատ զճաշակ դառնութեան լեղւոյն,
 և բովանդակ զպարտիս ամենայն
 յանցանաց մերոց մարմնովք քո
 բարձեր, բարձրութիւն անհասու-
 թեան հօր: Մեռուցեր զանմահու-
 թիւնդ ընդ մեղուցելոցս ՚ի գիրկս
 էական ծնողիդ, և հանապաղօր ևս
 զնոյն խորհրդածութիւն մահու քո
 կատարես՝ անձախաբար սլատա-
 րագեալ յընդհանուրս արարածոց,
 անարատ գառն Աստուծոյ և ծոցա-
 ծին ծնունդ հօր հանդերձելոյ աշ-

խարհիդ : Աստուծոյն ի կութեամբ
մտանես ընդ ամենայն դրունս , և
մերձ ՚ի բնաւս կարկառես զձեռն քո
՚ի կանգնումն ամենեցուն : Բաշխես
զմարմին քո ՚ի ճաշակս սովաբեկաց ,
և հեղուս զարիւնդ ՚ի մաքրութիւն
մեղաարտեալ անձանց : Ականջք
քո ՚ի վերայ շրթանց ամենայն կենդա-
նեաց , և արդարութիւն քո լսէ զհա-
ռաչս սրտի հեծութեան հանրական
եղելութեանս : Եւ յաղագս անսպա-
մելի և անձառ սիրոյ քո առ որդիս
մարդկան՝ այժմ ևս բազկատարած
՚ի վերայ ամենայն խաչի հեղուսեալ
բւեռօք անմեկնելի կաս առաջի ա-
հաւորութեան առաքչին քո յաշ-
խարհս : Ասան սարտեաց մերոց
բացեր զկող հրահոսան աղբերդ , և
ճաշակ լեղւոյն և քացախին էա-
կան լուսոյդ հուս ՚ի շրթունս ճա-
ռի . և սարանոց ամենազօր տէրու-
թեանդ խոնարհեալ առաջի անզրն-
նելի հարազատական ծնողիդ և էա-
կից հոգւոյդ տրտօսրագոչ հառաչ-
մամբ ընդ մեր մեղաւորացս խոր-
հրդաբար աղաղակես զելիւն : Եւ

անառակ որդեացս իսկ եղեալ բե-
րան ասես՝ հայր մեղայ յերկինս և
առաջի քո . զի ՚ի ձեռն աստուածայ-
լին ներգործութեանդ ՚ի հաշտու-
թիւն մեզ դարձցի հայրական տես-
չութիւնն , և դառնացեալ կեանք
մեր զկենացն յաւիտենից առցեն
դատակնիք : Եւ որ այդչափ անբըն-
նելի և անխմանալի սէր քո զօրա-
ցեալ եղև յազգս որդւոց մարդկան ,
մի միայն փակեր ինձ զընդարձակ
դուռն բարերարութեանդ , և ՚ի կը-
շիռս արդարութեան քո արկաներ
զզազրալի կենաց իմոց զպարտս չա-
րեաց , որ թողեր զտոկոսիս բիւր
տաղանդաց բազմաց ըստ իւրաքան-
չիւր մասին . և զմետասան ժամու
մշակացն զվարձն լիով առատատրե-
ցեր ըստ քում՝ մեծութեանդ . և զեօ-
թանասնեկին եօթեանց յանցանս ոչ
յիշեցեր որք հայցեցին ՚ի քէն . և
զտապարն յանպտուղ թղենւոյն ար-
գելեր՝ բարեգութ երկայնամիալեալ՝
մնալով պտղոյ : Ոչ հնձեցեր զորոմն
ասրականիչ սակս հասկոյ ցորենոյն
որ ՚ի մէջ անբաւից , զի մի խլեցցի

ցորեանն ընդ նմին : Գրեցեր պա-
 տարադ մեծ զխերեկէչս այրւոյն , և
 զկաթուածս արտասուաց կնոջն մե-
 ղաւորի համարեցար իբրև զհոսանս
 անձրեաց : Զբարբառ աւազակին
 երկնաբարձր ապաշխարութի և ըզ-
 հառաչումն անառակին ընկալար
 բարձրագոյն քան զհրեզննաց փա-
 ռաբանութիւնն . զի ոչ գոյ կշիռ և
 չափ ողորմութեան և սիրոյ քո . որ
 և յաստուածութիւնդ քո ոչ խնայ-
 ես , այլ ճշմարտապէս ՚ի գինս միոյ
 մեղաւորի յամենայն ժամ տաս ըզ-
 քեզ ՚ի սպանդ մահու . և դու նոյն
 ինքն Աստուածդ ես , և ամբ քո ոչ
 անցանէ , և այլայլութիւն ՚ի քեզ
 ոչ գոյ , և քեզ և հօր քում ամենա-
 կալի և սուրբ հոգւոյդ փառք և եր-
 կրրապագութիւն և գոհութիւն այժմ
 և միշտ և յաւիտեանս յաւիտենից .
 ամէն :

Ե

Յիսուս Քրիստոս Աստուած մեր
 փրկիչ աշխարհի, որ բարձրացար
 վասն պարտեաց մերոց 'ի վերայ խա-
 չին, և տարածեցեր զաստուածային
 բազուկս քո 'ի վերայ նորա 'ի սակս
 մեղաւորացս, որ պատարագեցար
 ընդ ամենեցուն եզնդ պարարակ և
 ուրախ արարեր զերկնային բնութիս
 ընդ այնոսիկ որ 'ի տարր վատնեցին
 զմեծութիւն կապուտից երրազգեայ
 միութեանցդ յերամս խոզից: Եւ յա-
 ռաջին ճոխութիւն ամեալ կացուցեր
 ամենայն զարդուք զզազրացեալս մե-
 ղօք՝ քո ճշմարիտ մարգեղութեդ:
 Արդ յիշեա յիշեա անհասանելի բը-
 նութիւն Հօր, զայնքան խորհրդա-
 ծութիւն անքննելի խորոցդ, և մի
 հերքեր զիս 'ի սպառ 'ի հօտէ քում-
 մէ . այլ հնարաւորեա փրկիլ եղկե-
 լոյս յահագին աւուրն յանձառելի
 դատաստանաց քոց: Վասն սիրոյ
 ծնողին քո իսկուհւոյդ երկնից և զօ-
 րութեան զենարանի հրակէզ սե-

զանոյդ արիւնաներկ սուսերիդ յո-
 րում մաճար միածինդ Հօր, և վասն
 գրկակցութե գերագոյիդ ընդ ան-
 հաս էութեան առաքչին քո և ներ-
 գործողի քո Հոգւոյդ ողորմեա գա-
 հավիժեալ գերւոյս, և անցո ըզ-
 սաստ պատուհասի հրափորձական
 աւուրն 'ի վերայ իմ: Մի ընկենուր
 զիս 'ի բիւրակնքեալ անսահման խո-
 րութեան անյիշելի յաւիտենական
 անհուն վհին, և մի մասներ յարա-
 կէզ տոչորման տապակաց անդըն-
 դային թանձրամած խաւարին: Մի
 բանար ընդդէմ իմ զաշխարհակու-
 ղբերան գեհենին, և մի յանյագ ո-
 րովայն հնացեալ օձիցն պարաւան-
 դեր զիս բոցեղէն կապանօքն: Մի
 բարձրացուցաներ 'ի վերայ իմ ըզ-
 գաւազան բարկութեան քո, և մի
 շարժեր զսուր հրեղինացն յանրա-
 պատ պարանոց իմ: Մի յորձանս
 անեղբական բորբոքեալ ծովուն խո-
 րացելոյ ծածկեր զչարացեալս չա-
 րեօք, և մի 'ի բոլս հրահոսան
 հրդեհել զնիւթս եղկելի կիզողա-
 կան կայծականց: Մի 'ի քուրայս

անխմանալի հրահալոցացն փորձեր
զփրկեալս արեամբ քո, և մի արկա-
ներ 'ի վերայ իմ զկարծրութիւն
խստութեան այնմ մթազին որ կի-
զիչն է հրոյ բնութեան: Մի հաներ
զիս 'ի մետաղս ապականութեան
արաաքին խաւարին, և մի փակեր 'ի
ներքոյ անգնդային հաստատութեն
'ի գուբսն դառնաատեսիլս, ուստի
հրեղէն որդանցն երամքն հոսին և
աշխարհակշիռ ծանրութիւն, ուր ա-
խեալ դրուիքն կնքին: Մի տար տե-
սանեւ ինձ զահագնակերպ կերպա-
րանն այն՝ որ բիւրակերպ տեսիլք
անքննելի տանջանացն յաւիտենից 'ի
նմա նկարագրեալ տեսանի, և մի 'ի
մասն վիճակի հրաւիրելոցն 'ի նոսա
գրեր զիս: Մի յերամս ահեկացն կա-
ցուցաներ զիս, փրկիչ, և մի հրեղէն
կապանօքն տարագրեր արտաքս քան
զայցելութեան քո սահման: Մի հեր-
քեր յարտաքին խաւարին խորսն
զեղկելի անձն իմ, և մի փակեր 'ի
վիհան յայն որ անհաս 'ի մարմնա-
ւորաց մտացս մնայ, և սոսկալի ևս
հրեղինացն իմանի: Մի յիշեր զիս 'ի

հանդէս կորուսելոցն ասէկանացն ,
 և մի անպատրաստիս բնաւին փա-
 կեր զառագաստ հարսնարանիդ կե-
 նաց : Մի տար ճարակ հրոյն յաւի-
 տենից , և մի արծարծեր զգաունու-
 թիւն գեհէնին իմով անդնդահոծ
 շարաւովս : Մի 'ի տապակս անե-
 րևոյթս խորացեալս սանդարամե-
 տականս բարկութիւն հոսման տո-
 չորեր զարժանատանջ անձն եղկե-
 լւոյս . մի զժայթքումն չարահոտ մե-
 զացս տարածաներ 'ի տեսիլս ամե-
 նայն մսեղեաց : Մի զկայծակունս
 բարկութեան հոսման հրեղինաց թո-
 րացուցաներ 'ի վերայ հրաբորբոք
 մարմնոյս , և մի զչանթս յորդատա-
 րափ փայլատակմանց տոչորման ան-
 շէջ արփոյն շեղակուտեր զանձամբ
 մեղաւորիս : Մի 'ի բովս բորբոքեալ
 ժանեաց հրաթոյն օձիցն ընկենուր
 զիս տէր իմ Յիսուս . մի բանար ընդ-
 դէմ իմ զբերան հնացեալ վսերայ-
 ին վերագին զոր ոչ բաւէ ընուլ ո-
 լորտք արարածոցս : Մի բերեր 'ի
 հանդէս առաջի ասաւոր բեմիդ զա-
 հագնալուր հոսումն հեղեղաց չա-

րիս, և մի տաղտկացուցաներ զահա-
 ւոր տեսարան հրաւիրելոցն 'ի սե-
 զան քո սուրբ: Մի հրապարակեր
 զԺամծուկս անօրէնութեան իմոյ ա-
 ռաջի ամենատես հրապարակիդ, և
 մի զաստուածային բարբառդ 'ի դառ-
 նութիւն կորստական տանջանաց 'ի
 լսելիս իմ հասուցաներ: Մի անտե-
 սիլ կացուցաներ զիս յահեղահրաշ-
 փայլատակման փառաց քոց, և մի
 զրկեր զիս յերանական ճայնէ հա-
 մախամբելոցն ընդ առաջ քո տէր: Ձի
 թէպէտ և անարժան եմ ըստ գոր-
 ծոց իմոց, անբաւ և դառնատեսիլ և
 անօրինակելի տանջանաց քան զյա-
 լիտենից եղելոցն 'ի քէն, այլ յան-
 զրաւ գթութիւնդ և յողորմութիդ
 եմ ապաւինեալ որ 'ի վեր է քան
 զկարծիս ամենայն հոգւոյ. և բուռն
 հարկանեմ զայդքան նախախնամու-
 թենէդ, որ դեռ ևս 'ի վերայ ամե-
 նայն խաչի հեղուսեալ բեեռօք և
 վիրաւորեալ անդամօք խորհրդա-
 բար կաս առաջի աներևոյթ զօրու-
 թեան Աստուծոյ քո Հօր, և պա-
 տարագիս անծախաբար յընդհա-

նուրս ամենայն, զի զանըմբերելի
 տանջանան պատուհասից քոյով աս-
 տուածացեալ մարմնովք բարձեր, և
 բառնաս միշտ և յաւիտեան, միջնորդ
 և բարեխօս երամի մեղաւորաց կա-
 լով առ Հօր քո օրհնելոյ: Եւ դու
 նոյն ինքն Աստուածդ ես, սահման
 գծուածեան և ողորմութեան, և ոչ
 փոփոխին միաք քո ՚ի բարեացն
 թեւարկութենէ, և անթարթելի ակ-
 նարկութիւն նկատես յայնոսիկ որք
 հաւատով հային ՚ի քեզ. և ոչ սահես
 ռիսս յաւիտեան և ոչ յիշես զյան-
 ցանս դարձողացն առ քեզ: Որ զսեւ-
 ցեալ հնացեալ զձանձախարիթ չա-
 րեացն որակութեամբ չըջես ՚ի ձեան
 սպիտակութիւն, և զներկեալս արիւն-
 ըռուշտ մեղօք ըստ կարմրութեան
 որդան արեգակնափայլ ջահաւորես:
 Որ զվէմս աղբերացուցանես, և ըզ-
 բացեալ բերանս աշխարհակուլ ծո-
 վու սանձես աւազով, զի ամենա-
 կալ իմաստութեան քո ոչ դոյ բաւ:

Ասան որոյ աղաչեմ զահաւոր և
 զամենակար զօրութիւննեղիդ, դարձ
 ՚ի յիս ՚ի բիւրաթիւ կործանեալս,

յանհուն և յանբաւ խորխորատ ան-
 կեալս , յանկանփնելի գլորեալս ,
 յանհաստատ սասանեալս , յանբը-
 ժըշկելի խորտակեալս , յանյուսալի
 ահաբեկեալս , յանդառնալի վարա-
 տեալս , յանսահման չարալկեալս ,
 յանմխիթար սգացեալս . զոր քո
 միայն է սփոփել , բժշկել և մխիթա-
 րել : Որ զաստուածուԹիւնդ քո ոչ
 շատ համարեցար սպեղանիս վերացն
 Ագամայ արկանել , հայեա յիս այնմ
 գԹուԹեամբն՝ ձեռն կարկառել ըստ
 այնմ բարերարուԹեանն . մերձեցիր
 'ի խնդրուածս իմ ըստ քում սլար-
 դեատուր շնորհիդ : Ողորմեա անկե-
 լոյս 'ի ձեռս աւազակացն . այցելու-
 լեր մոլորելոյս , մերկիս և սովաբե-
 կիս . Թող ինձ զսլարախս տաղան-
 դացն սպհեստի , Թագաւոր Էրկնա-
 ւոր . վասն զի 'ի յամելդ քո յանտարր
 աշխարհն՝ արբի զբաժակն դառնու-
 Թեան մահաբեր կենցաղոյս և Թըմբ-
 լալից քնոյ դառնուԹեան , ննջեցի
 անզգայաբար և 'ի քուն մաի , և ոչ
 ունիմ սուղ ինչ սակս անտեսու-
 Թեանն հատուցանել : Վասն զի ան-

պատրաստ եղեալ՝ ի տան գանձարա-
 նի քո՝ աւար առին գողք և աւա-
 զակք զմթերեալ կապուտն . և ՚ի
 վերայ այսր ամենայնի մխեցին զձեռս
 իմ յարիւն ծառայակցացն իմոց, զո-
 րոց ՚ի սպաս պաշտման կացուցեր, և
 ոչ զարհուրեցայ ՚ի պատուիրանաց
 բարձրելոյդ : Թողեր ինձ զպարտս
 հինգ հարիւր դենարին, և ես սակս
 խերեկէ ժիոյ խեղդ արկեալ ՚ի պար-
 տասկանաց իմոց պահանջէի : Զյան-
 ցանս եօթանասնեկին եօթանցն բիւր
 անգամ շնորհեցեր ինձ օր ըստ օրէ,
 և ես ՚ի վերայ մեղաւորաց ոչ ան-
 խայէի, այլ տոյժս տոկոսեաց ար-
 կանէի : Ետուր ինձ երկարաձիգ
 ամս բարութե՛՛ պատրաստել ճանա-
 պարհ գալստեան քո և օթեվան տա-
 րամօտեալ հինաւուրցդ գտանել, և
 ես ՚ի նիրհման անցուցի զամենայն .
 եհաս ժամանակ՝ և զարքայութիւնն
 սուրբք ըմբռնեցին : Յորժամ եղև
 բարբառ եթէ ասա գայ փեսայ, ես
 դեռ ևս թմրեալ ՚ի մահիճս ոչ ընդ-
 ոստեայ : Մտին յառագաստ հարսնա-
 րանին որ զլապտերս իւրեանց ար-

ծարձեցին արթնութեամբ, և փա-
 կեալ ախեալ կնքեցան դրունք, և
 հատաւ վիհն յաւիտենական ընդ-
 մէջ իմ և աշխարհին կենաց: Ասան
 որոյ ոչ ունիմ սրատասխանատու-
 թիւն առ քեզ, զի ինձէն գանձեցի
 զդառնութիւն տարտարոսին և ըզ-
 կայծակունս հրոյ գեհենոյն, և կար-
 կեալ է բերան իմ յահաւոր բեմոյդ:
 Գտին զգանձդ կենաց յորում սպա-
 սէին, հասին աւետեացն որում ըզ-
 ձային, տեսին զայն աշխարհն որ
 ամենայն տիեզերք զահնարկումն
 միայն ոչ արժէ: Առին զայդ սար-
 գեղ զոր երկինք ոչ տանէին. զգե-
 ցան զփառս լուսոյ որ ամենայն յա-
 շիտենից ճառագայթք առաջինշուրի
 միոյ նորա իբրև զխաւար համարեալ
 է: Ետուր նոցա զիմաստութիւնդ
 հօր և հոգւոյդ և խորհրդակից ա-
 նեղ Երրորդութեանդ. եղեն ծած-
 կեալ ընդ ամենազօր աջովդ անզրաւ
 փառօք ՚ի մշտնջենաւոր և յանկա-
 տարած յաւիտենից յաւիտեանս:
 Յայնմ աւուր ասեղ և սոսկալի ան-
 երեկ յորժամ այս ամենայն կար-

գի, ակնհարկեա յիս ողորմութեամբ
քո, անճառ ամենողորմ Աստուած,
և մի տարածեր զցասումն բարկու-
թեան քո 'ի վերայ իմ ըստ անա-
ռակ գործոց իմոց: Այլ ըստ քում
անչափ անհաս անուատում բարե-
րարութեանդ անտես արա 'ի մտաց
և 'ի գիտութենէ քումմէ զաշխար-
հակշիւ ալիք յանցանաց իմոց, ան-
քննելի և ամենազօր Աստուած:

Լուր ինձ բազմամեղիս, քո էի և
գերի վարեցայ 'ի Թշնամոյն, և սպա-
կեցաւ նա իմով կորստեամբս և խը-
րոխտացաւ իմով աղքատութեամբս.
և դու կարող ես, և տկարանայ 'ի
քէն և ոչ ինչ: Որպէս նա ծծեաց
զարիւն իմ, և յափշտակութիւն մեծ
համարեցաւ զօցտելն իմ 'ի քէն, այլ
դու մի անտես առներ, մարդասէր,
և մի տար խրոխտանալ անօրինին 'ի
վերայ իմ: Կողոպտեա, կարողդ յա-
մենայնի, զփառս նորա մեծութեն.
ցրուեա զխորհուրդս նորա. մերկեա
զճածկոյթ անձին նորա. առ զա-
ւարս նորա. ժառանգեա զստա-
ցուածս նորա. աւար առ զապրս-

տամբելոյն 'ի քէն . տիրեա տանս
 բնակութեան նորա . առ զերկնա-
 բարձր աշտարակս ապարանի նորա .
 ընկճեա և կողոպտեա զնա յամենայ-
 նի : Ճողոպրեա և քարչեա զալիս
 նորա խնով փրկագործութեամբս :
 Արդ տուր ձեռն բարերար գիմելոյս
 առ քեզ , և արգել զաներևոյթ խո-
 ցոտումն նեախց նորա յողւոյ խմմէ ,
 և մի տար 'ի ձեռս չարահնարին . զի
 մի ոտն հարցէ ընդդէմ քո և 'ի սպառ
 կորուսցէ զիս : Արդ խզեա զԷլիս նո-
 րա , բարերար , խնով գթութեամբս .
 Զախջախեա զսրունս նորա խնով ո-
 ղորմութեամբս . հատ զոտս նորա ի
 մով բարերարութեամբս . զի թէ
 ստուգութիւն քո դարձցի յիս , և
 ձեռն քո մերձեցի , և աջ քո ըն-
 կալցի զիս , և ողորմութեան և թո-
 ղութեան մեղաց արժանացուցես
 զիս , պատառեալ է որովայն չարին
 և ցրուեալ է ոսկերք գլխոյն :

Եւ արդ տէր Աստուած , թէպէտ
 և անարժան եմ պարգևաց քոց , և
 հատեալ եմ ես ինձէն զյոյս փրկու-
 թեան խնոյ 'ի քէն , զի թէ ամենայն

հանդէսք վերնոցն ողբան՝ չէ բաւա-
 կան իմոյ կորստեանս • զի լոյսս
 խաւար եղէ, թաղաւորս յաղբ և ՚ի
 օրիմ՝ անկայ, և զօրավարս տկարա-
 ցեալ գտայ, իշխանս ահարկու նը-
 կուն եղէ, աղատս ըմբռնեցայ ՚ի չար
 ծառայու թիւն, տէրս ամենայն կեն-
 դանեաց ՚ի կորուստ վարեալ և հացս
 կենաց սովաբեկ եղեալ • աղբերս ան-
 մահու թէ պասքեալ, և արեգակնս
 մեծապայծառ նսեմացեալ, քաղաքս
 հրապարիսպ անմահ արքայիդ աւա-
 րեալ, և ապարանս երկնաբարձր
 կամարօք յօրինեալ՝ կործանեալ,
 ցանկալիս երկնաւորացն ապակա-
 նեալ, և դրախտս վայելչասաղարթ
 տնկոյդ ապառաժեալ, և տաճարս
 լուսոյ փառաց էիդ լուցեալ • սե-
 ղանս ամենալի սպառեալ, և զարդ
 փառաց արփիահրաշ պանծալին մեր-
 կացեալ • պարանոցս բարձրադի-
 տակ խոնարհեալ, և պատկեր դի-
 մացս հրաշագեղ եղծեալ • աչք ա-
 րեգակնափայլ խաւարեալ, և լսե-
 լիքս արագալուր խցեալ • լեզուս ըն-
 թաղրական սպաշնորհ եղեալ, և

բերանս արագացեալ կայ կարկա-
 փացեալ. ձեռքս ամենազօր ապիկա-
 րեալ, և ոտք երագահաս տախտապա-
 րեալ. հանճարս հրաշալի արտատրո-
 հեալ, և միտքս երկնաթուիչ՝ ի ստոր
 իջեալ. զօրութիւն երկնաբարձ ու-
 սոյ թիկանցս կոճոպեալ, և սիրտս
 ներհակօք չարին ծորեալ. ջահս ան-
 աղօտ շիջեալ, և աշտանակս եօթ-
 նարփի շնորհացն մանրեալ. դրունք
 տեսականին փակեալ, և սիւնք հաս-
 տատութեան մտացս դղրդեալ. վէմք
 անկեան հիմանցն խախտեալ, և պըշ-
 րակք ձեղուան տախտակացս հող-
 մովք հօսեալ, ամենայնիւ գօսա-
 ցեալ, յամենայն բարեաց արկուա-
 ծից հրտոջոր եղեալ. յանմահական
 յայգւոյն ելեալ, և ՚ի կենաց դրախ-
 տէն զըկեալ. ՚ի միաբանութենէ
 սրբոցն որոշեալ, և ՚ի փառաց միած-
 նին մերկացեալ. յանհպելի յաթո-
 ռոցն յանգունդս իջեալ, և ՚ի գերա-
 դոյական պետութենէդ ՚ի գերու-
 թիւն վարեալ: Յանճառ զարդու
 փառաց ահաւորիդ մերկ և ծանակ
 եղէ, և ՚ի գրկակցութենէ Արրոր-

դու թեանդ անկայ կամաւ 'ի ժանիս
հնացեալ օձին :

Արդ ո՞ր ողբք և ո՞ր աղէտ բառ-
նան զայսպիսի կորուստ , զոր ոչ ար-
տօսր էիցս փարատէ զցաւս սրտի ի-
մոյ . բայց թէ բարբառդ ահեղ և ար-
տօսր աչացդ ահաւորիդ , որ արձա-
կեցեր 'ի գերեզմանն Ղազարու , ժա-
մանեսցէ 'ի խնդիր կորուսելոյս : Եւ
ցայտեսցի յիս յարենէդ այդ որ
հոսեցաւ յաստուածային կողիցդ .
կամ թէ հասցէ 'ի լսելիս իմ շնորհք
չըթանց ամենահզօրիդ որ հասաւ
առ պոռնիկն , և կարկառեսցի մատն
անեղիդ որ հպեցաւ առ բորոտն : Եւ
թէ եկեսցէ ողորմութեան ձեռնդ
այդ յիս որ մերձեցաւ յաչս կուրին ,
և հնչեսցէ ձայնդ երանական առ եղ-
կելիս զոր լուաւ աւազակն , ապա
բառնի ամենայն անյուսու թէ կար-
ծիք , և կանգնի գլորեալ անձն իմ
'ի խորոց : Զի թէպէտ և անարժան
եմ եղկելիս այդմ ողորմութեան , և
մեծ յանդդնութիւն է ինձ ասել
զայս առաջի քո , սակայն անսահմա-
նելի է քո աստուածային զօրու-

Թիւնդ • զի կամենն քո՝ անդունդք երկինք են և երկիրս երկնից երկինք • խաւարն լոյս , և մէգն իբրև զճառագայթս արեգական : Արդ մարդասեր փրկիչ , այդ զօրութեամբդ մերձեցիր յիս , և ընդգրկեա զսպականեալ կործանեալ ստեղծուածս քո՝ վերստին ստեղծագործեա , և ՚ի մասն և ՚ի ժառանգութիւն քո գրեա , և արժանի արա շնորհին այն որով դ զորմութիւն գաից ՚ի քէն , և մաքրեսցին ամենայն մեղք և յիշատակք անօրէնութեան իմոյ • և յերանհական վիճակ առաջին բարութեանցն հասից , և ուրախ եղէց յԱստուած փրկիչդ իմ , և ցնծասցեն ոսկերք իմ տառապեալք : Տուր ինձ զեղջ անբաւ և արտօսք բազում որ բաւականասցի ինձ ընձեռել զշնորհս աւազանին • քաղցրացո ինձ զչարչարանս սիրոյ քո , և արեամբ անառակիս լուա զորդհալի վերս մարմնոյ իմոյ • քանզի դիւրին և հնարաւոր է քեզ յոյժ , անմահ և անմահից Թագաւոր :

Յիշեա բարերար , զի մարմին էի

երբեմն 'ի մարմնոյ քո և անդամ
 յանդամոց քոց՝ այդ որ առեր 'ի
 սուրբ կուսէն՝ զփառս շնորհի քո
 սփածեալ յարգանդէ աւազանին և
 յորդեգրութեանդ եղեալ վիճակ .
 ընդ որս մախացեալ խարդաւանող
 վիշապն՝ գողացեալ կորզեաց 'ի քէն
 զքո նկարագրեալ պատկերս , և
 զարդ զանձամբ իւրով արկեալ զիմ
 զանմաքրութիւնս , յանդիման ահա-
 լոր և սոսկալի տէրութեանդ՝ հըր-
 ճուի քո աստուածային գնոյս ա-
 րեամբ . և դու լուս և անսաս , և ըզ-
 դութ հայրախնամ տեսչութեանդ
 արգելուս՝ այդ որ սիրեցեր մեռանել
 'ի վերայ միոյ մեղաւորի : Զի թէ-
 պէտ և բազում են անդունդք անօ-
 րէնութեան իմոյ , այլ անբաւ և ան-
 սահման են անդունդք բարերարու-
 թեան քո . և ոչ կարէ անդունդք խա-
 լարի կալ առաջի հրակէզ բոցածախ
 անգնդոցդ , որ հալեալ հրդեհէ զար-
 ձանացեալ մթութիւն միգի մեղա-
 պարտ ոգւոյս որ կարկառեն զձեռս
 իւրեանց առ երկնաւոր նաւապետդ :
 Եւ այժմ կլեալ զիս կէտն յաւի-

տենից և կամի թագուցանել զիս յամենատես աչացդ, և առաջի այդմ ահաւորութեանդ հանապազօր հըրձիգ արարեալ կեղեքեալ գիշատեալ աներևոյթ հրամուխ նետիւք խոցտեալ և անյոյս անմահ մահուն մահացուցեալ իբրև զանգին և զանայցելու գերի ունի կապեալ յանըմբերէլի կապանս իւր: Եւ դու նոյն Աւտուածն ես բարերար և անճառելի, որ վասն յանցանաց մեր իջեր ՚ի տարտարոսն զօրութեամբ քո, և բացան ահիւ մեծաւ ընդդէմ քո դրուիք մահու, և բռնութիւնք դժոխոց փշրեցան, և յաւիտենից բանտեալքն ազատեցան, և քրէական մետաղքն հրգեհեցան յարփիահրաշփառաց քոց. և աւար առեալ քո զամենայն կապեալսն զոր վտարեալ յափշտակեալ էր ՚ի գանձարանէ քուամէ, և հաներ ՚ի բարձրութիւնս երկնից: Եւ ես մի եմ յերամէ այնր հանդիսիցն անբաւութեանց. արդ ընդէր թողուս զիս տէր՝ տէր իմ ՚ի ձեռս նորա, կամ զիճորդ փոփոխի բնութիւն մշտաբուն բարւոյդ սակս

անոտի անձին խմոյ դառնութեան :
 Արա առ իս հրաշա հրաշից . հան
 զիս յառաջին ճոխութիւնն , և դարձո
 'ի վիճակ կենաց աշխարհին , և ըզ-
 շնորհն մերկացեալ զգեցո , և զոր-
 դեգրութեանն սարգևս մի արգե-
 լուր , զի կարող էս յամենայնի , տէր
 բարերար : Բաւական համարեալինձ
 բիւրս բիւրուց գեհեն՝ զայս որ ար-
 տաքոյ առադաստի քո մնացի , և յե-
 րանական ձայնէ փեսայիդ զըկեցայ ,
 և ընդ բազմելոցն ընդ քեզ որոշեալ
 դտայ , և զանձառ զանքնին զանաս-
 ման զանեզրական հրճուումն հարս-
 նարանիդ քո ոչ տեսի , և յանզրաւ
 սեղանոյդ՝ զոր Երրորդութիւնդ յօ-
 րինեաց քոց հրաւիրելոցդ՝ պաս-
 քեալ մնացի , և յանկապուտ գան-
 ձուց խորոց աստուածութեանդ ան-
 մասն եղէ , և բնաւին իսկ 'ի փառաց
 աստուածութեդ պատուոյ 'ի խորս
 խորոց խաւարի 'ի կապանս անըմբե-
 րելիս անկայ , և փոխանակ ամենայն
 ուրախութեանց վերնոցն ամենայն
 սաստից պատուհասից հանդիպեցայ
 վասն ոչինչ և զազրալի տղմատարած

և առօրեայ չարի նանրական կենցաղոյս :

Եւ արդ Տէր բարերար, չեմ արժանի հայել իսկ յերկինս, կամ յիջէլ զանուն քո սուրբ, և կամ ՚ի միտս իմ նկատել զփառս հանգիսի սրբոց քոց յորոյ հատեալ կոճոպեալ եղէ. բայց զայս միայն աղաչեմ վասն ահեղ աստուածութեանդ, հնարաւորեա փրկիլ ինձ յաններելի տանջանացն, յաննշոյլ խաւարէն, ՚ի կիզողական հրոյն, ՚ի դառնութենէ տարտարոսին: Եւ իբր շան արտաքսելոյ շնորհեա փշրանս ինձ յողորմութենէ քումմէ յաւիտենից ամճթասպարս կորուսելոյս: Գինք եմ սուրբ արեան քո և դաւանող համագոյական սուրբ Երրորդութեանդ. մի թողուր զիս ՚ի ձեռաց, և մի ՚ի սպառ յաւիտենական կորստեանն մատներ զիս: Եւ առ այս պաղատանս բարեխօս լիցի քեզ տէրութիւն սուրբ Երրորդութեանդ Հօրդ ասաւորի և Որդւոյդ միածնի և ամենասուրբ Հօգւոյդ. որում փառք իշխանութիւն և պատիւ այժմ և միշտ և յաւիտեանս յաւիտենից. ամէն:

Ատուած անճառ լուսոյ լուսա-
 ւորեա զխաւարեալ մթացեալ մե-
 ղապարեալ տարակուսեալս, վասն
 իսկուհւոյդ երկնից Մարիամայ, որ
 հարսն Երրորդութեանդ սիրեցեր լի-
 նել և սրահողիդ զամենայն սուրբս,
 վասն կենդանարմատ փայտիդ և
 վասն քրտանց աշխատութեան ա-
 ռաքելոյդ 'ի քէն 'ի խնդիր մեզ կո-
 րուսելոցս. փարատեա 'ի հոգւոյ հի-
 քոյս զհանրամածեալ հոսանս հեղե-
 ցաց չարին: Ասն հանապազօր
 զենման էական իսկութեան քո սի-
 րեցելոյ սրգւոյդ, և փոխանորդու-
 թեան արեան դորին ընդ արեան մե-
 րոյ 'ի ծածկեալս անծայր ծովու մե-
 ղաց՝ զփայլակն շնորհի ողորմութե-
 քո ծագեա, և վերացոյանդնդակուլ
 վհէ խորոցս որպէս Ատուած բա-
 րերար, հրով հոգւոյդ կիզեա ըզ-
 խոիւ աշխարհագէզ չարեացս, և
 կաթուածոյ արեամբ լուսոյ փա-
 րացդ լուս զանթիւ վերս հոգւոյս:

Զարթո զգորութիւն քո՛ ի կեցու-
 ցանել զիս, և բաց զգանձարան մե-
 ծի ոլորմութեան աստուածութեան
 քո, որ հաստատեցեր քո անսուա-
 բանիւզ վկայութիւն՝ թէ ոլորմած
 եմ ես: Եւ բաց զբերան քո՛ ի վերայ
 իմ շնորհիւն այն որ ասացեր թէ ե-
 ղեցի լոյս. զի ոչ ոք կարէ գալ առ
 քեզ, եթէ ոչ ամենազօր ձեռն քո
 ձգէ և հանէ՛ ի խաւարէ՛ ի լոյս. և
 չիք հնար ումեք ազատել ՚ի բռնա-
 ւորէն, եթէ ոչ ճշմարիտ ազատու-
 թիւնդ արասցէ ազատ, մանաւանդ
 իմ սաստկահարուած անձինս՝ որ
 ամենայն զբօսանք չարին եկն ՚ի վե-
 րայ իմ, և ոչ կայ սուր սրեալ նորա
 յորմէ ոչ խոցեցայ, և ոչ խորհուրդ
 խաւարի յորս ոչ դեգերեցայ, և ամենայն
 անօրէնութեանց եղէ գտիչ և
 գործակից նորին: Այլ ոչ յուսա-
 հատիմ ՚ի քէն, բարերար, մինչև իցէ
 շունչ ՚ի մարմին իմ. քանզի անյոյս
 եղեալ բազումք ընկղմեցան, և ՚ի
 կատարածի վախճանին ՚ի քէն գտին
 զփրկութիւն. զի անհնարինք ՚ի մարդ-
 կանէ հնարաւորք են քո անհնարելի

աստուածային զօրութեանդ և քո
անպատմելի գթութեանդ :

Ձառասանս անյուսութեան հո-
գւոյ իմոյ խղեաց, և եբարձ զամե-
նայն կարծիս վհատութեանս, և ետ
համբառնալ զկորացեալ գլուխ իմ,
և ըստ անառակին առ քեզ արձա-
կեալ ձայն՝ հայր երկնաւոր, մեղայ
յերկինս և առաջի քո: Եւ քան զա-
մենայն որդիս մարգկան առաւել ա-
նօրինեցայ. չեմ արժանի խառնել՝ ի
հօտ քո. իբր շան արտաքսելոյ շնոր-
հեա փշրանս ՚ի սեղանոյ սիրողաց
քոց: Ձարթո զամենազօր աստուա-
ծութիւնդ ՚ի վերայ մօլորեալ ոչխա-
րիս, և ՚ի մեռեալս անյոյս մահու
արձակեա զկենարար բարբառ քո,
և ծածկեա վասն սուրբ փառաց քոց
զխայտառակեալ մերկութիւնս իմ
առաջի սոսկալի բեմիդ: Պատառեա
զգիր սլարտաւորութեան իմոյ վասն
ձեռացն այն որ տարածեցաւ ՚ի վե-
րայ խաչին, և մաքրեա զմեղս իմ
բազում վասն արեանն այն որ հո-
սեցաւ ՚ի կողէ էակցիդ քո: Ազա-
տեա զիս յանժմբերելի պատուհա-

սիցն վասն գթութեան հարազատին
 քո, որ վասն մեր հեղուսեալ բեւե-
 ուեալ մածեալ 'ի վերայ փայտին կե-
 նաց : Թող զպարտիս բազմապատիժ
 պարտաւորիս յաղագս բանին քո
 աստուածային բերանոյդ, որ ասացն
 Աստուած իմ Աստուած իմ ընդէր՝
 Թողեր զիս : Մի անոմասն և անտեսիլ
 կացուցաներ զիս 'ի հարսնարանէ
 միածնիդ քո վասն արթուն աչիցն
 որ ննջեաց, և պարանոցի բարձրե-
 լոյն որ խոնարհեցաւ 'ի գիրկս քո 'ի
 վերայ խաչին • յարո զիս 'ի յաւիտե-
 նից մահուանէս • վասն զօրութեան
 և իմաստութեան քո որ մեռաւ ճըշ-
 մարտապէս սակս նորոգման յա-
 շտենից մեռելոցս, հզօր արա զա-
 նուն քո սուրբ վասն իմ յերկինս և
 յերկրի, և 'ի մէջ երեքօրբենիցդ •
 և որպէս է հնարաւորեա հայր սուրբ
 հասանել ինձ մասն վիճակի սրբոց
 քոց • քաղցրացո 'ի վերայ իմ զամե-
 նայն չարչարանս վասն անուանդ
 քում սրբոյ : Տուր ինձ արտօսր բա-
 զում և զեղջ անբաւ և դարձ յու-
 սոյ, և զնորհս ողորմութեան քո

Ճառագայթեա՛ի նսեմացեալ սիրաս
 իմ, զի կարացից կալ՛ի պատուի-
 րանի քում, և արա զարտասուս և
 զարիւն իմ լինել ինձ աւազան մկրր-
 տութեան բարերարու թեամբդ քո :
 Փարատեա՛ի սրտէ իմմէ զմտածու-
 թիւն չարաչար խորհրդոց և գոր-
 ծոց . հերքեա զգիշեր մեղաց մթա-
 պատեալ հոգւոյս . բաց զառաւօտ
 լուսոյ արեգականդ արդարու թեան
 յառագաստի սրտիս, զի մի ննջեցից
 մինչև՛ի մահ, և հասցէ՛ի վերայ իմ
 անպատրաստ գիշերն վերջին, և զըր-
 կեալ գտանիցիմ յերևմանէ յամեցե-
 լոյ փեսայիդ : Ալաչեմ և պաղատիմ
 առ քեզ, հայր ամենակալ, և բարե-
 խօս ունիմ զամենայն սուրբս քո
 զերկնաւորս և զերկրաւորս . այնչափ
 ողորմեա ինձ, զի ասրեցայց՛ի հան-
 դերձեալ գատասաանէն պատուհա-
 սիցն, և վերանայցէ ամօթն յաւի-
 տենից, և տեսից զզօրութիւն փա-
 ռաց քոց, և գտից մասն և ողորմու-
 թիւն յամենողորմէդ . վասն յաւէս
 յաւիտենական ողորմութեանն ե-
 րեքսրբենից փառացդ ողորմեա ինձ,

և անտես արա զյանցանս իմ. և ար-
ժանաւորեա յայնմ հանդիսի և շնոր-
հի որ հանէ զիս 'ի հօտ երկնաւոր
հօտապետիդ. զի քեզ ամենայն ինչ
կարելի է, որ օրհնեալդ ես յաւի-
տեանս. ամէն :

Է

Ամենասուրբ ԵրրորդուԹի, ան-
կշռելի աստուածուԹիւն, համագոյ
խսկուԹիւն, և միահեծան տէրու-
Թիւն, արգար և ճշմարիտ ամենայ-
նի, գիտեմ զմեղս իմ զի բազում են,
և հայիմ յանօրէնուԹիւնս իմ զի
անԹիւք են, այլ ոչ չափի անչա-
փուԹիւն քո 'ի միտս բանականս,
զի կարող ես զբարձունս խոնարհե-
ցուցանել քան զանդունդս, և զան-
դունդս բարձրացուցանել քան զկա-
մարս վերինս, դարձուցանել զլոյսն
'ի խաւար և զխաւարն 'ի լոյս : Ասան
որոյ և ես մեղապարտեալս հողւով
զօրանամ, և զամենայն անյուսու-
Թիւն 'ի մտացս 'ի բաց Թողում, զի

ոչ կարէ կալ առաջի այդ անբաւու-
 թեանդ յանցանք միոյ մեղաւորի,
 զի կամքդ բարի և քաղցրութիւն ա-
 մենազօրիդ մաքրէ զլէրս խղիւսյ-
 թեալս: Քանզի ոչ է հնար քո սուրբ
 աստուածութեդ դարձուցանել թի-
 կունս յայնցանէ որ հային 'ի քեզ
 հաւատով: Եւ ոչ անփոյթ առնես
 զայնոսիկ որ կարգան զանուն քո
 սուրբ զի յանկանելն 'ի միտս անա-
 ռակ որդւոյն՝ ընդ առաջ ելեալ գիրկս
 արկեր զպարանոցաւն, զարդարե-
 ցեր առաջին պատմութեանսն, նրս-
 տուցեր ընդ աջմէ քումմէ, զեներ
 և զեզն պարարակ, զոր ոչ կարեն
 բառնալ երկինք և երկիր: զի ոչ բա-
 ւէ բնութիւն քո մերժել զայնոսիկ
 որ կամին զիմել առ անյիշաչարու-
 թիւն քո գերազանց տէրութեանդ:
 զի թէ առաջի լուսոյ ոչ կարէ կալ
 խաւար, և ոչ սրաղումն ձմերայնոյ
 'ի տապ արեգական, ասպա որչափ ևս
 առաւել մեղք իմ մթերեալ առաջի
 այդմիկ որ լուսոյ և հրոյ ես արարիչ:
 Արդ բարձ յինէն բարձրեալ թա-
 գաւոր զկարծիս երկմտութեան մը-

տացս մեղսամակարդ, հաստատեա
զգղորդեալս 'ի վերայ վիժի հաւատոյ
բանիւ քո, բւեռեա զբաժամիտ տա-
րամերժեալս 'ի սէր քո և յերկիւղ,
առաքեա զշնորհս քո բարի զի առաջ
նորդեսցէ ինձ 'ի յերկիր ուղիղ: Կա-
թեցո 'ի սիրոյ քո 'ի սովացեալ սիրտս
և 'ի մեռեալ բնութիւնս զի հրդե-
հեալ այրեսցէ զփուշ յանցանացս
անբաւ: Մի զազրիր յանառակ գոր-
ծոց իմոց, այլ հնարաւորեա բժշչ-
կէլ զապականեալ զազրատեսիլ
սալին մեղաց. համեմեա զանհամու-
թիւնս իմ աղիւղ ճշմարտութեան.
բաց զգուռն մարդասիրութեան քո
և ընկալ զպաղատանս իմ. հայեա ու
ղորմութե՞դ 'ի վերայ կործանեալ
ստեղծուածոյս քո: Սիրտ սուրբ
հաստատեա և հոգի ուղիղ նորոգեա
յիս. ամենայնիւ նոր արա, և նորո-
գեա հոգւով պիտութեամբ, և մի
թողուր զիս 'ի կամս անձին իմոյ, զի
'ի ինամս չարին արձանացեալ եմ
'ի մանկութենէ իմմէ, և ներկեալ
արեամբ անդնդային վիշապին, և ոչ
տայ թոյլ ամբառնալ զգլուխ իմ, և

հայել յանխմանալի տէրութիոյ՝ այլ
անդրէն զմէք մնայլութեան չարա-
հնար դիւթութեն իբրև զվարմ՝ որ
սողաց ձգէ՝ ՚ի վերայ իմ գատասար-
տեալ մտացս, և մոռացուցանէ զսէր
քո և զահ ահեղ ատենին, և զան-
ճառ փառացն պայծառութիւնն, զոր
քո սիրելէացն պատրաստես բարու-
թիւնս :

Եւ արդ տէր խնամածու և տե-
սուչ ամենայն եղելոցս, դու կարող
ես յամենայնի, խոնարհեա ՚ի խո-
րասուղեալ անձն իմ, և ձգեա ՚ի
բանակետոյ սրբութեան հօտի քո,
զի ոչ ոք կարէ գալ առ քեզ, եթէ
ոչ հայրախնամ տեսչութիւնդ հանէ
՚ի խաւարէ ՚ի լոյս, և ՚ի մահուանէ
՚ի կեանս : Արդ մի թողուր զիս ՚ի
ձեռաց քոց տէր բարերար անյոյս
մահուամբ կորնչել, և մի տար բը-
նաւին յասպականութիւն չարին զքո
ժառանգութիւն : Պատառեա զառա-
գաստ արձանացեալ սրտիս, խլեա
զորոմն չարին • զնշոյլ ծայրագոյն
լուսոյ քո ծագեա ՚ի սմա, և արմա-
տացո զսերմանս արդարութեան քո,

և զքօղ պատրանաց չարին 'ի վերայ
 իմ տարածեալ ցրեա : Բաց զաչս
 իմ խաւարեալ մտացս որ կուրա-
 ցեալ է առ 'ի տես ճշմարիտ ճառա-
 գայթի փառաց քոց : Տուր լսել ա-
 կանջացս անպիտանի զբան հրամա-
 նի քո, վասն զի խցեալ է յաստուա-
 ծայինան, և փոյթ 'ի լուր դիւական
 բարբանջմանց : Բաց զփակեալ բե-
 րանս յօրհնաբանութիւն քո, և շար-
 ժեա զըուայտեալ շրթունս 'ի համ-
 բոյր սրբութեան : Արձակեա զկասկ-
 կարկեալ լեզուիս խոստովանել առ
 քեզ հզօր, և կարդալ զանուն անե-
 ղիդ յօգնականութիւն անկելոյս 'ի
 ձեռս աւազակաց : Բժշկեա զգօսա-
 ցեալ և զփշաբորբոք ձեռս իմ, որ
 զբոց անշէջ հրոյն արծարծեցի . զի
 թերևս յայսմհետէ մշակեսցէ յայգի
 քո : Տուր տէր ընթանալ ոտից իմոց
 'ի ճանապարհս արդարութեան քո,
 և բժշկեա զհարուածս չարաթոյն օ-
 ձին որ վիրաւորեաց անբժշկելի խոց-
 մամբ : Աւերացո զքօղ ամօթալի նսե-
 մութեան յերեսաց իմոց, և արժա-
 նաւորեա հայել ընդդէմ հասարա-

կաց տեսողիդ : Ամփոփեա զցրուեալ
 տարածեալ խորհուրդս խաւարին
 ընթանալ յայսմ հետէ զկնի քո, և
 սրբեա զմիտս իմ 'ի բազմաթիւ հը-
 նարից չարադիւթին և յիշատակէ
 անօրէնութեանց նորա . քանզի լու-
 ծեալ մաշեալ ապականեալ են ա-
 մենայն զգայարանք անձին իմոյ 'ի
 բազմաչար բռնութենէ բանսար-
 կուին : Քանզի յորժամ յուշ իմ ա-
 ծեմ և 'ի միտս իմ նկատեմ զնախնի
 եղէլոցն առ իս խորհրդոց գործոց
 մտածութեանց, կարծեմ թէ ոչ եր-
 կինք այնչափ երկնեաց զհօսանս
 անձրեաց, և ոչ երկիր զբոյս և ըզ-
 տունկ, որպէս անբարեակէր միտք իմ
 զնանրութիւն խորհրդոց և զանօրէ-
 նութիւն զազրալիս առաջի ամենա-
 տես զխտութեդ . քանզի սարսեցին
 անասնական բնութիւնք 'ի քէն և ան-
 խրամատելի զսահման պայմանի իւ-
 րեանց պահեցին . իսկ ես առ 'ի միտս
 անզգամս ոչ նկատեցի խորշէլ 'ի
 հրամանէ հզօրիդ : Ամփոփեալ սար-
 սեաց 'ի քէն էութիւն հրոյ, և խուսա-
 փեալ 'ի խշտիս իւր յահեղ հրամա-

նէդ՝ զթոյնս դառնութենն ոչ կարաց
 արտաքս արձակել: Եւ ես ոչ միայն
 ընդ հարկաւորօք չարեօք անկեալ ե-
 զայ, այլ և յանդէսս անօրէնութեան
 չաղկապեցայ. լռեալ դադարեաց ա-
 հագին էութիւն հողմոյ անկայ ունա-
 կութեամբն իւրեանց, անպարփա-
 կելի ՚ի սենեակս իւրոյ սրտին, ան-
 շընչացեալ եկաց կարկեալ ՚ի յահէ-
 քումմէ. և զվսերամիտ անձն իմ զըս-
 տահակեալ և զապստամբ ոչ կարա-
 ցին ընկրկել բազուկ քո, և ոչ ա-
 հաւորութիւն անհասիդ զարհուրե-
 ցուցին զգիւտբնակ քնարս բանասր-
 կուին, այլ ՚ի գիրկս անեղիդ անձառ-
 անօրէնութեան եղէ գախ: Ոչ խա-
 ւար կարաց կալ առաջի լուսոյ քո,
 և ոչ մթութիւն մառախլապատ
 թանձրութեանց հակամտեալ հնա-
 րեցաւ ընդդէմ հրամանիդ: Իսկ ես
 ոչ գէթ սակաւ ինչ ՚ի չարութենէ
 մտացս հարկաւորեցայ քեցել յե-
 րեսաց քոց: Ոչ կարաց ահագին
 լեւնանման կոհակք ամէհի ծովուն
 աշխարհատարած անցանել ընդ ծիր-
 աւազոյն, և ոչ անդնդային հողմոյն

ուժգնութիւնն կարացին մղել զնա
 ընդ եղեալ սահմանս ամենակալիդ :
 Իսկ զիս զարձանացեալ զանպտուղ
 ասլաննիս զգահավիժեալս 'ի բար-
 ձանց, զհրասուղեալ վերագս վսե-
 րականս, ոչ կարացին արգելուլ 'ի
 գաւիթս քո գերագոյական զօրու-
 թիւնքն. այլ արտաքս վաղեալ ընդ
 ծայրս երկնաբարձր հրեղէն սլարս-
 սպացն զոր հիմնեաց հաստատուն աս-
 տուածային աջ հզօրիդ. ընդ սլա-
 տուէրս օրինաց և մարգարէից, ընդ
 կարգս նահասպետաց, ընդ ցանկս և
 ընդ օրինակս տեսլեան համօրէն սրբ-
 բոց, ընդ քարոզութիւն առաքելա-
 կանս և ընդ ամենիմաստ տեսչութի
 ահարկութեան դիտապետիդ երկ-
 նից. ծանեան զքեզ ամենայն գործք
 բարձրութեանց և խորութեանց, և
 երկիւղալի զարհուրմամբ 'ի քէն կա-
 ցին եղական բնութիւնք. և ես միայն
 ճողոպրեալ եղէ 'ի ձեռաց ահաւո-
 ըիդ, և զանզղջանալի հրոյ գեհէնին
 ստացայ ժառանգութիւն : Եւ արդ
 տէր բարերար, անքնին և անհաս մե-
 ծութիւն, ոչ ունիմ արժանիք և հա-

մօրձակութիւնն բնաւինն հայել 'ի
քեզ, կամ յիշել զահաւոր անուն
քո սուրբ, զի այդչափ դիմադարձու
թեամբ կացեալ, ոչ եմ արժանի հո
ղոյ հաւասարս միանգամ 'ի գազա
նաց իսկ միանալ յերամս, թող թէ
'ի բանականի մօրդոյ գրիլ: Բայց
յորժամ զմտաւ ամեմ զքոյդ նա
խահրաշ զարմանսդ, զօրանայ տկա
րութիւնն վհատեալ հոգւոյս, յաւե
տալուր բանիւզ զոր ասացեր ճշմա
րիտ և աստուածային բերանովդ,
թէ ես լոյս յաշխարհ եկի, և որ գայ
առ իս' 'ի խաւար մի գնացէ, և որ
հայցէ գտանէ, և որ բախէ բացցի
նմա: Արդ բաց ինձ բարեգութ զան
սահման ողորմութեան բացարձակ
դրուեսդ, աղաչեմ, խնդրեմ և մտղ
թեմ 'ի քէն անճառ գթութիւն: Մի
զանսահման տանջանացն աներեկ ա
ւուրն հատաներ 'ի վերայ իմ դա
տակնիք, և մի հատուցաներ զպար
տիս իմ 'ի լիճ հրոյն: Մի տար կե
րակուր որդանցն անքուն, և մի մատ
ներ տարտարոսին արտաքին: Մի
փառաւորիւր յիս տանջանօքն այն

իբրև 'ի Փարսւանի խորսն ծածկու-
թեան, և մի յաղթեսցէ անօրէնու-
թիւնս իմ քոյ ամենազօր և յաղթող
ողորմութեդ: Որ սպանողացն քոյ
լուեցեր, և ուրացողացն ոչ յիշեցեր,
մի և զիմ բիւր չարիսս յիշեր, Տէր
Տէր. զի արժանի եղէց փառաւորել
զքեզ ընդ Հօր և սուրբ Հոգւոյդ
այժմ և միշտ և յաւիտեանս. ամէն:

Ը

Եւ արդ տէր բարերար, անոխա-
կալ, հայր գթութեանց, և Աստուած
մխիթարութեանց, տեսող հեծու-
թեանց, և մօտակայ թաղծութեանց,
հայեաց Տէր, ողորմութե՛ք 'ի սպա-
կեր վշտաց բազմալնանդ կրկցս կա-
րեաց դառնութեանս, սակս որոյ
հատեալ է և իմ զանդուռնդս անյու-
սութեան, և իողեալ զառասանս եր-
կաթակարծր նսեմութեան նախա-
չար օձին: Կարկառեմ զտչս իմա-
նալի տեսութեանց 'ի խորացեալ
վհէ սանդարամետական իշխանին

յանակնարկելի բարձրութեան երկ-
 նաւոր նաւապետիդ : Ակնարկեմ և
 ապաւինիմ անապատան կորու-
 սեալս յանասման ողորմութիւն
 անճառ սիրոյդ այդ որ նախ քան
 զյաւիտեանս նկատէ ամենատես
 աչք քո զգաղանիս սրաից մարդկան ,
 և զանհնարինսն եղեալ վիճակ կե-
 նաց՝ հնարաւորէր անկանել յուս-
 կանս անհասանելի տէրութեանդ :
 Ակնարկեմ հառաչմամբ սրտի առ
 անբաւ նախախնամութիւնդ այդ, որ
 ծանր և անհնարին արարեր քո ա-
 հաւոր աստուածութեանդ թիկունս
 դարձուցանել յայնցանէ որ կար-
 դան առ քեզ և դիւրին գրեցեր քեզ
 զանցանելն երկնից և երկրի , քան
 անկանելոյ ումեք 'ի հօտէ քումմէ
 յերամս գայլոցն : Գոչեմ գահալի-
 թեալ գերիս առ գերագոյական տե-
 րութիւնդ այդ որ հաճելի եղև քեզ
 զփառս ճոխութեանդ փոխանակել
 ընդ անկելոյ միոյ 'ի գոհն չարեաց ,
 և սիրեցեր զանեղծ և զանստեղծ ան-
 մահական էութիւնդ՝ մահացուցա-
 նել յաղապս տղմատարած փոշոյն :

Պաղատիմ՝ առ անպարագրեղի խ-
կութիւնդ այդ, որ զպատկառիչն
զուրացողն զապստամբն և զհայ-
հոյիչն և զմահացուցիչն քո ընդու-
նիս՝ ի դարձարան, և գրգաս իբր
զհայր կաթողին՝ ի վերայ միածնի
իւրոյ: Հառաչեմ առ այդ անսահ-
ման բարիդ, որ ոչ միայն ներես
այնոցիկ, որ հանապազօր միեն
զձեռս իւրեանց՝ ի սպանումն էակ-
ցիդ քո, և զպաշտօն ահաւոր աս-
տուածութեանդ ընդ դիւացն մա-
տուցանեն, այլ և զփառս ճոխու-
թեան քո տասնոցա յակնարկելն և
յանկանելն առ քեզ: զի սահման
աստուածութեանդ կեանք է, և կե-
նագործող մահու: Ըոյս միշտ և լու-
սաւորիչ խաւարի, ի վեր քան
զավենայն երևեալ Աստուած: Զի
դիւրին է լուսոյ գոլ խաւար, և դար-
ձեալ հրոյ՝ ի բնութիւն ջրոյ, կամ
՝ ի բաց դնել բոցոյ զկիզումն, կամ
կենաց մահ անուանել, կամ անկա-
նել՝ ի ներհական գթական տեսու-
թիւնն պարզ և ծանրագոյն բնու-
թիւն անփոփոխ բարուցդ:

Եւ արդ հայր ամենակալ տես ըզ-
 քոյ ինքնութիւնդ, քաղցրութեամբ
 հայեա քո ողորմութեամբդ ՚ի գինս
 արեան միածնիդ, և բաց մոլորելոյս
 զգուռն քաղցրութեան քո, և ընկալ
 զիս որպէս զանառակ որդին, այդ որ
 զարմացուցեր զերկնայինսն, և առա-
 ւել բարձրացեալ ահաւոր անուռն
 քո սուրբ վասն կանգնելոյս գլորելոյ
 միոյ, և խրախանալ, և զպարարումն
 մեծի և սարսափելի եզինն: Եւ արդ
 Տէր անոխակալ, յիշեա զայս ամե-
 նայն և բաց ինձ զգուռն գթութեդ,
 որպէս միածինդ աւազակին. և շնոր-
 հեա ինձ վերստին զմուտս դրախ-
 տին, զոր վասն անառակ և չարաչար
 անօրէնութեան կորուսի. տուր ինձ
 վերստին զի կարող ես յամենայնի:
 Վասն կենսաբեր չարչարանաց միած-
 նիդ քո, և վասն անճառ սիրոյ հոգ-
 ւոյդ սրբոյ, վասն երեքսրբենիդ բա-
 րեխօսութեան ողորմեա ինձ, և վե-
 րացո զամօթն յաւիտենից, և ար-
 ժանաւորեա փշրանաց սեղանոյ սի-
 րողաց քոց, թէպէտ և անարժան
 եմ. որ միշտ օրհնեալ ես յաւի-
 տեանս յաւիտենից. ամէն:

Յաւիտենից Աստուած հայր հան-
գերձեւոյ աշխարհիդ, առաքող միած-
նիդ յարարածս, և բաշխող ամենա-
սուրբ հոգւոյդ, որ տկարանայ 'ի
քէն և ոչ ինչ, հայեա յիս բարի աղ-
նարկութեամբ, և կարկառեա զա-
րարչաստեղծ աջ քո յահաբեկ վճա-
տեալս. բաց 'ի քաղցրութիւն զամե-
նաատեա աղին քո, զգութ ինքնական
սիրոյդ, և զողորմութիւնդ անսահման
մի արգելուր. այլ ըստ նմանութեան
առաքելոյն 'ի քէն, գիտ զկորու-
սեալս, կանգնեա զկործանեալս,
փրկեա զգերեալս, մխիթարեա զյու-
սահատեալս : Հատ զառասանս վար-
մի չարին. բժշկեա զամենավէր խայ-
թոցս նորա, և հրդեհեա հոգւով
չնորհի քո զձեռագիր պարտաւորու-
թեան պատժապարախս, լեր քահա-
նայապետ անբակտելիդ քաւութե-
խմոյ, և հանող հոսեցելոցս յան-
գունդս : Հանրականաց ստեղծիչ,
արկ զիս 'ի գաւիթս երկնաթոխ ե-

րամիցն, զոր ստացար զօրութիւնդ
 ահաւոր: Հայեաց յիս այնմ ողոր-
 մութեամբն, որպէս օժեալն 'ի քէն
 առ վերաւորեալն հոգւով. նկատեա
 զխորս խորոց և զխաւարս խաւարի,
 որպէս ինքն էակն յէակէդ զմահար-
 ձանեալն 'ի սատանայէ: Չգեա ըզ-
 ձեռնդ ամենազօր 'ի մահասաստ հա-
 րուածեալս, որպէս արթուն ակն
 քո առ ապտակեալն 'ի բանսար-
 կուէն: Վոչեա 'ի հրաւէր հարնա-
 րանի միածնիդ քո, որպէս և նա ըզ-
 մեղաւորացն երաման. յարո որպէս
 համագոյակիցն քո զմեռեալն. ձայ-
 նեա որպէս հրամանն հզօրիդ առ
 Ղազար. կալ զգագաղաց մարմնոյս
 որ լուծեալն է՝ որպէս փառակիցն քո
 զօրդի այրւոյն: Վարդա զանուն վա-
 զավախձան վսերիս, որպէս և բար-
 բան բխեալ 'ի բերանոյդ առ տալի-
 թայն: Լուր աղաջանաց չանորդոյս,
 որպէս գերալրական զօրութեանդ 'ի
 քէն քանանացւոյն: Թող զյանցանս
 հոսեցելոյս յամենայն մասունս մե-
 ղաց, որպէս անառակին. չնորհեա
 զմաքրութիւն վսերամիտ հիգոյս,

որպէս կեանքն անմահ 'ի կենաց
 տուողէդ զանթաղ մեռեալ անդամս
 անդամալուծին : Սրբեա զսպիս դառ-
 նացեալ անձինս , որպէս նկարագիր
 էութեանդ քո զցաւս տարժանեալս
 բորոտին : Չշնորհս կենդանութեան
 հասո 'ի հասեալս 'ի գրունս մահու ,
 անբաւելիդ քերթէից , որպէս իս-
 կակիցն քո ծառայի հարիւրապե-
 տին : Եւ զծայրատեալ անդամս իմ
 արծարծեա 'ի հաստատութի , որպէս
 բանն քո զձեռն Կօսացելոյն : Դադա-
 րեցո զալիս յանցանաց իմոց յաւի-
 տենիցդ Աստուած , որպէս անորակն
 յանբանակէդ զմրրիկ մթացեալ կո-
 հակաց ծովուն : Եւ շիջո զբոց
 հնոցի հրատօջոր հոգւոյս , որպէս
 հրաշագործեցեր երից մանկանցն 'ի
 Բաբելոնի : Կորզեա 'ի ժանեաց հը-
 նացեալ օձին զկորացեալ անձն իմ ,
 միասնական տէրութիւն , որպէս
 էութիւն ահաւորիդ զհարուածեալ
 գերգեսացին 'ի լէզէոնաջար դահ-
 ճացն : Խզեա զառասանս մեղսասի-
 րին՝ արկեալ զինն հատանող սուրդ
 հրակիզիչ , որպէս լոյս ինքնութեան

փառաց անծայր ծայրադունիդ զու-
 թուտաննամեայ կապեալն 'ի սատա-
 նայէ : Բժշկեա զաներևոյթ վերս հո-
 գւոյս ամենազօր և զհոսումն հեղե-
 ղաց մտացս անմաքրից ցամաքեցո,
 որպէս շնորհք ամենառատ աջոյդ
 բարձրելոյ զվիժումն արեան տեռա-
 տեսին : Զմթերեալ անօրէնութիս և
 զանդունդս մեղաց ծովու գրաւեալ
 'ի մարմինս իմ լոյծ անխմանալի բը-
 նութիւն , որպէս անսահման կնիքդ
 անսահմանելոյդ զհամերն և զջր-
 գողելոյն արձակեաց զկապ : Զօրհ-
 նութիւն սուրբ բերանոյ քո աճեցո
 առ իս անեղանելիդ Աստուած , որ-
 պէս անմահ բանն քո զգարեղէն
 նկանական առ բիւրաւորսն : Եւ
 զշնորհս եօթանասնեկին եօթանց
 թողութիւն հանապազօր առատացո
 առ անբաւ պարտուց իմ քաւու-
 թիւն , որպէս էակցին քո հրամա-
 նատրեցաւ : Ակնարկեա յանծայր
 խորս խաւարիս աննիրհելի ակնդ ա-
 մենատես , որպէս միտք մեծիդ առ
 սամարուհին . և 'ի խցեալ ականջս
 իմ հասո զաւետիս ջրոյն կենդանու-

Թեան : Արտափայլեա յիս 'ի ծայ-
 րագոյն բխմանէ շնորհացն որ 'ի շըր-
 Թանց բերանոյ բանէ հզօրիդ հասաւ
 առ պոռնիկն : Եւ զազատ լոյսդ ա-
 բեգականդ արդարու թեան արկ 'ի
 բիբս իմ փայլատակեալ, որպէս
 ծնունդ անծնիդ յաչո ծնէ կուրին :
 Փայլատակեա զոյս գիտու թեան քո,
 բաց զինիք աներևոյթ խորհրդոյ խո-
 րոց գանձարանիդ, ամենակար և ան-
 զննելի մեծութի, և զբազմատարած
 պատուարս անջրպետական առա-
 գաստացն արձանացեալ ընդդէմ իմ,
 վերացո առաջի անկրական և անսահ-
 ման սիրոյ քո, որպէս աւետաբեր
 լըումն անլրարկելոյ : Եւ հասո յիս
 զբարբառ կենդանական ըստ երա-
 նական ձայնին քո որ 'ի խաչին ար-
 ձակեաց առ մեղսապարտեալ աւա-
 զակն : Էջ յանդունդս խաւարիս,
 անբաւ անդունդք լուսեղէնք, և 'ի
 տապէ տարտարոսին փրկեա զտա-
 րադրեալս 'ի քէն, որպէս միտք և
 կամք անաւորիդ զարարածս քո
 'ի յաւխակնից մահուանէն : Յիշեա
 զէական սէր քո սիրաբուխ կամա-

ւորական պատարագին 'ի վերայ աշ-
 տարակի խաչին, որ վասն տա-
 րագրելոցս 'ի քէն տարածեալ ու-
 նէր զվերաւորեալ բազուկս իւր յան-
 դիման ահաւոր զօրութեանդ հա-
 րուածասացս գանիւ՝ յանելծ յաս-
 տուածային երեսս իւր առեալ ըզ-
 թուք և զաստակ սեւեռեալ բևե-
 ոօք, բացեալ կողիւք, դառնաճա-
 շակ եղեալ մահացուցանէր զինքն
 վասն մահաստորացս առաջի քո
 գթութեանդ. և անձառ նախախնա-
 մութեդ կառավարելով զամենայն,
 և հանդուրժեաց կամք անեղիդ, և
 երկնային և երկրածին բնութիւնք
 համբերեալ անլմբերելի հիացմանդ
 ահաւորիդ: Արդ վասն անձառ ներ-
 գործութեան խորագոյն խորհրդոցդ
 և կրից անօրինական տնտեսութեդ,
 հայեաց յիս ողորմութեամբ հայր
 երկնաւոր, և մի տարամերժեր զեղ-
 կելի անձն իմ 'ի կրից միածնիդ քո:
 Բաց ինձ զծածկեալ գրունս հիա-
 պատում խորոց ողորմութեան քո.
 կարկառեա զձեռնդ հզօրիդ 'ի խորա-
 սուղեալս յանգունդս, և փայլատա-

կեա 'ի նշուլից լուսոյ ծայրագունիդ
 'ի կարծր ապառաժ վիմացեալ ան-
 մաքուր մարմինս : Եւ մի թողուր 'ի
 ձեռացդ ամէնըմբռնող՝ զկնքեալս մա-
 տանէյաւ կնքեալ խորհրդոյն քո ,
 մինչև հասուսցես 'ի բանակ հօտի
 նորա , զոր մուծանելոց է 'ի գաւիթս
 երկնաւոր հօտապետիդ : Գիտ միայ-
 նրդ միակին ծնողդ զմիայն մոլո-
 րեալս . ազատեա միայն ճշմարիտդ
 զանսպաստան գերիս . և զճշմարիտ
 ազատութեան հրամանն հաստար-
 մատ արձանացո առ իս հինաւուրցդ
 Աստուած , և ըստ ամենայն տնօ-
 րինական սիրոյ առաքելոյն 'ի քէն
 որ 'ի յազգս մարդկան ներգործե-
 ցաւ : Կառավարեա 'ի վերայ իմ զո-
 ղորմութեան քո սլարգես անհասա-
 նելիդ Աստուած . շնորհեա ինձ և
 փրկեա զիս 'ի կապանաց հնացեալ
 բռնաւորին , որպէս միածինդ քո ա-
 րեամբ իւրով զտարամերժեալ տունս
 Ադամայ 'ի վսերամիտ գողոզէն : Նը-
 կատեա զխորս այնր սիրոյն մինչ
 յարգանդէ աւազանին առեր զիս ,
 վասն ահաւոր անուանդ երեքսրբե-

նիդ որ կոչեցաւ 'ի վերայ իմ: Մի
 մերժեր զիս յերեսաց քոց • զկամոր
 կենաց մարմնոյ և արեան որդւոյ քո
 սիրելոյ անապական սահեա յա-
 սականելի մարմինս իմ • որպէս ըզ-
 կայծակունս հրոյ տաճարին 'ի խորս
 ջուրցն , և արծարծեա մեղսաքաւիչ
 բոցովն այն զհեղձամղձուկ հոգի
 իմ 'ի կիզելոյ զխուիւս չարեաց բազ-
 մամեզ անձինս : Եւ մի ծածկեսցէ
 մռայլ խաւարին զծայրագոյն փայլա-
 կըն անմատոյց լուսոյն • և մի առա-
 գաստեսցէ մառախուղ մեղսասիրին
 զանկրական լոյս էութեան քո : Զչը-
 նորհս ողորմութեան սիրոյ քո ըն-
 կեա կարթ կորուսելոյս , և ցան-
 ցեա 'ի վհէն յաւիտենից զգինս ա-
 րեան իսկակցին քո • փոխադրեա
 զերախտիս կնքեալ խորհրդեան օ-
 ծելոյն քո իմով փրկութեամբս , և
 զյափշտակեալս 'ի ձեռաց մեծու-
 թեան այն որ սարգեաց զերկինս :
 Կորզեա յանըմբերելի մետաղից խո-
 րոց խաւարին , և արկ 'ի գանձարան
 գերալրական տէրութեանդ , որ
 փրկութիւնս 'ի քէն շնորհեցաւ : Արկ

զօրհնութիւնն օրհնութեանց բերա-
 նոյ քո զանձամբ ամօթաօրարախ :
 Մերձեցո զիս յանգամս ահաւորիդ
 յորմէ հասեալ եղէ, և վերացո ըզ-
 սուր շրջապատեալ քերովբէիցն 'ի
 դրանէ անմահական մտից այգոյն :
 Եւ արծարծեա զօրութեամբ քո ըզ-
 թեա հոգւոյս, զի հնար լիցի ընդ
 ցանկակատար հրեղէն սլարիսսն
 անցանել 'ի կեանս սիրողաց քոց . զի
 կարող ես, և շնորհք քո բաւական
 է կատարել զամենայն : Արկ զողոր-
 մութիւնն սիրոյ քո կամուրջ աիե-
 ղերատարած խորութեան անհուն
 վհին, և անցո զիս ընդ ծովածաւալ
 յորձանս հրեղէն գետոցն անբաւից
 'ի նկատել զվայրն երկնաւոր նաւա-
 պետիդ : Մի զանց առներ զխայտա-
 ռակ մերկութեամբ իմով միշտ ան-
 յիշաչար բարիդ . այլ ձեռն տուր
 անկեղոյս 'ի ձեռս աւազակաց ըստ
 փրկական բանի առաքմանն 'ի քէն :
 Պատառեա զձեռագիր իմոյ անբաւ
 պարտաւորութեան, որպէս կեանքն
 անմահիդ կենացն յաւիտենից զկը-
 տակ չանորդեացս 'ի վերայ խաչին :

Մի անտեսիլ կացուցաներ զիս 'ի
 հիաչքնազ հրապարակաց հրաբուն
 սեռից, և մի բնաւին անմասն առնէր
 զիս յանխմանալի յանտարր աշխար-
 հացն յարփիահրաշութէ և յանճառ
 փառաց փառաւորելոցն յանսահման
 յանդունդս անմատոյց լուսոյ աս-
 տուածութեան քո. զիր կնիք մե-
 ծազոր շնորհաց քոց զանյուսալի
 անձն իմ յուսողացն 'ի քեզ, այդ որ
 իջուցեր զերկինս յերկիր, և երկնից
 դեր 'ի վերոյ զաշխարհս կացուցեր:
 Մի անկար գրեր զանկեալ պարանոց
 իմ կանգնել 'ի վեր, մի հատաներ
 վիճ յաւիտենից ընդ իմ և աշխար-
 հիդ կենաց: Ողորմեա յաւիտենիցդ
 Աստուած յաւիտենից կորուսելոյս,
 վասն անօրինական կրից և միջնոր-
 դութեան մարմնոյ և արեան միած-
 նիդ, որ ընդ աջմէ քո կայ: Ողորմեա
 ինձ ամենողորմ Աստուած, և զվիմա-
 կարծր նսեմութիւն անգնդապտոյս
 կենցաղոյս ծովացեալ զանձամբ
 իմով ծայրագոյն և արփիափայլ
 լուսովդ արփաւորեա ըստ բխման
 բարեաց հայրաշարժ էութեանդ.

զապառաժ և զժմականացեալ բնու-
թիւնս հրասուզեալ մաքրեա, և ար-
ժարժեա 'ի նորոգումն կենաց գե-
տահոս վտակօք հոսեցելոյ 'ի կենաց
աղբերէն անծայրդ ծովու, և արբո
զպապքումն ծարաւելոյս 'ի ծորմա-
նէ նշուլից ծայրագոյն լուսոյ քո :

Աստուած անձառ զի միշտ բարի
ես և անմեկնելի է 'ի քէն բարեաց
բերմունք, որպէս ընդ հուր միաւո-
րեալ տապ, և լոյս ընդ բոց, զովա-
ցումն ընդ հողմ, և խոնաւութիւն
ընդ ջուր, միտք ընդ հոգի, և բան
ընդ միտք, տեսակ ընդ գոյն, և գոյն
ընդ համ բերեմ 'ի հանդէս առաջի
քո հայր սուրբ զանձառ... (6) զբե-
րանն կափուցեալ 'ի վերայ վսերիս :
Հայեաց ամենողորմ Աստուած ո-
ղորմութիւն 'ի հասեալս յանդունդս,
մինչև ևս են շարժեալ պահապանք
տանս տարօրէնիս : Եւ կարկառեա
զարարչաստեղծ աջ անպարագրելի
էութեդ, մինչև է ընկղմեալ նան-
րապատիր անիւս 'ի գուրն : Արկ
զնշոյլ շնորհի քո նորոգման խմոր
կենաց մեղսամակարդ մարմնոյս,

մինչև են հասեալ բարեկամքն խորա-
 մատեալ ՚ի տար աշխարհէ : Մի լինիր
 ապառուժ առ անթոշակ փերեեր-
 տեալս մեղօք , մաքրիչդ հրեղինաց ,
 մինչև է հասեալ համբարեալ հիգոյս
 դիշերն ահագին , յորում չիք հնար
 զսուսուտն տեսանել : Չարթո զա-
 լացեալ սիրտ իմ հայել առ հանրա-
 կանաց ստեղծիչդ , մինչև ձայնն ա-
 հագնալուր արթնացեալ հաւուն
 ՚ի լսելիս անպատրաստիս հասեալ :
 Ընկրկեա զիս այժմ արփիափայլ
 անկրական զօրութիւն , մինչև են
 դահիճքն դաժանք պարապատեալ
 զպատժապարտ անձամբս : Կորզեա
 զիս յանրափակեալ դրանէ կորըս-
 տեան , կարողդ և ամէնըմբանող տէր ,
 մինչև է բացեալ զանյադ որովայն
 իւր դիւամբրկեալ դժոխոցն : Յա-
 փըշտակեա մի յապաղեր բոլորիցս
 փրկիչ , մինչև է կլեալ կոճուպեալ
 կեղտանուն յոգնաչարս յաւիտենա-
 կան կիտէն : Մինիրհեր զլուսանորոգ
 ակնդ նկատող , մինչև են սրատեալ
 զինև սուրբ բոցակէզ հրեղինացն :
 Մի անտես առներ բարերար զբաժա-

կիդ ասերախոս, մինչև են ժամա-
 նեալ որոգայթքն և սաշարեալ զեղ-
 կելիս: Ըմբռնեա զիս հինաւորցդ
 անսահման բարձրեալ, մինչև իշ-
 խանաշխարհիս զհրաթոյն կապարձս
 չարութեան իւրոյ բնաւին հեղեալ
 ՚ի վերայ իմ: Յանցեա չրջապեաա-
 կան աջովդ քո զհերատեալ հեգս յե-
 րամս քո սուրբ, մինչև է տարա-
 ծեալ ՚ի վերայ իմ անփարատելի մէգն
 հրատարափ: Գթա յիս անյիշա-
 չարդ, մինչև ևս եմ անկեալ ՚ի ձեռս
 անօրէն և անյագ և անայցելու դահ-
 ճացն: Մերձեցիր յիս ողորմութիւդ
 անբաւ, անքնին էութիւն, մինչև
 է ժամանակ անողորմութեան հա-
 սեալ ՚ի վերայ իմ: Ազատեա յանբաւ
 սպարտեացս ամենառատ, մինչև ևս
 են հարկապահանջքն զտոկոսիս տու-
 ժեալ: Տուր զնշան շնորհի ողորմու-
 թեան քո ՚ի ձեռս իմ, և շնորհեա զա-
 զատութեան կտակն, մինչև է դա-
 տաստանն ՚ի վերայ իմ հասեալ:
 Զգեցո զշնորհս որդէգրութեան ա-
 լազանին, անկշռելի ներողութիւն,
 մինչև է տիրեալ հուրն յաւիտենից .

ջնջեա ողորմած, զանեղրական չա-
 րեացս մուրհակս, մինչև ևս եղեալ
 եմ յանդիմանահաւոր և անաչառ բե-
 միդ: Եւամանեցո առ իս զԹողութեան
 ձայն քո, միասնական տէրութիւն,
 նախ քան զփակել զրանցն, և արա
 զողորմութեան լապտերս լուսոյ քո
 լքելոյս, մինչև է հասեալ գալըս-
 տեան քո օր: Փրկեա զիս փրկիչդ
 աշխարհի վասն փառաց սուրբ ա-
 նուանդ քո՛ի հանդերձեալ պատու-
 հասիցն, և զերծո զիս յահէ աներեկ
 աւուրն և՛ի տագնապէ անըմբերելի
 ժամուն, յորում երկինք և երկիր դո-
 ղալով իբրև զջուր ծովու ծփայ ա-
 ռաջի քո ասեղահարաչ փառացդ: Ամ-
 րացո անբաւելիդ երկնից և երկրի
 վահանօք ողորմութեան հոգւոյ քո
 զվարանեալ մարմին նժգեհիս, մինչ-
 չև ևս են յորձանք հրեզն գեաոցն
 հոսեալ՛ի վերայ իմ: Տուր թևս կո-
 ճօպեալ անգամոցս վերանալ՛ի վսե-
 մազարմիցն երամս, մինչև է ծած-
 կեալ անշէջ հրոյն երկնաբարձ յոր-
 դութեամբն զոլորաս ծագաց երկրի:
 Հատ և հեռացո հայրդ հանդերձելոյ

աշխարհիդ զանյուսութի վհատեալ
 մտացս անմաքրից, մինչև է հասեալ
 ժամն յոր հրեշտակք սարսափմամբ
 ճեպին : Նորոգեա զապականեալս ,
 մինչդեռ նորոգիչդ և դեղդ կենաց 'ի
 միջի ես , և չև ևս են տեղացեալ 'ի
 վերայ իմ շանթք փայլատականց
 անկրական հրոյն , և տիրել անմահ
 մահուն , և գրուեալ 'ի գոգս իւր
 անշէջ գեհեանն , և բարբառ բերա-
 նոյ , բարկութիւն աստուածային 'ի
 լուր հասեալ , և արտաքին խաւա-
 րին , և անիծիցն ժամանեալ հրա-
 ժեշտ , և անյիշելի կորստեանն ար-
 ձանացեալ կնիք : Փութացիր փրկ-
 կիչ , հասիր այժմ 'ի խնդիր կորու-
 սելոյս , մինչև է փակեալ մուտ ա-
 ռագաստին հարսնարանիդ կենաց :
 Նայեա յիս ողորմութեամբ քո ամե-
 նողորմած , վասն անսկզբնական ան-
 ճառ ծննդեան անսկզբնատալիդ , և
 արտափայլմանդ 'ի քէն մշանջե-
 նակցի Հոգւոյդ վասն ծագման ան-
 քանակիդ յանորակէդ , յոր անկեալ
 'ի բնութիս մեր , և բխման միշտ բա-
 րւոյ բուսիդ յանբաւելի բնութենէդ :

Բարերարեա առ բազմահարուածս
 բարձրեալդ Աստուած վասն հոսման
 անկրական զօրութեանդ առ արտա-
 կացեալքս, և կնքելոյ անկնքելի խոր-
 հըրդեանդ: Վասն երևման շնորհին
 քո արարածոց, և միութեան առե-
 ցեալ մարմնոյ միասնականիդ քո
 յանպարազրելի յէութեանն և ներ-
 գործութեան բարերարին որ 'ի քէն,
 քաւիչ լեր իմոյ ծանրըմբերելի յան-
 ցանայս վասն ամենայն տնօրինական
 խորհրդեան բանի քո տէր, և անտե-
 սութեան կառավարի Հոգւոյդ: Չա-
 մենայն որոմն անօրէնութեան իմոյ
 հրդեհեա հերքիչ խաւարի, վասն ա-
 հաւոր զօրութեանդ և փառաց ամե-
 նակարողիդ: Եւ ոչ սահմանի, և ոչ
 չափի, և ոչ կշռի անբաւ բնութիւն
 քո ընդ եղական գոյութիւնս: և ոչ
 'ի խորս էութեան սիրոյ քո հասաւ-
 ոք բայց 'ի միածնէդ՝ որ և զինքն մա-
 հացոյց, և Հոգւոյդ սրբոյ որ ընդ ա-
 մենայն խոնարհս զիջանէ. 'ի ձեռն
 որոյ ծանեաք ծառքեալ ծանակեալքս
 զանկրարկեալ արտափայլումն սիրոյ
 քո 'ի վերայ ընդհանրական եղելու-

Թեանս, և նկատեցաք զանհաս մե-
ծութեանդ գերաշրութիւն: Ասան
որոյ ամենասուրբ Երրորդութեանդ
Հօր և Որդւոյ և ամենասուրբ Հո-
գւոյդ փառք և երկրպագութիւն յա-
ւիտեանս. ամէն:

Ճ

Տէր Աստուած անսկիզբն Հօր և
փառաւորեալ, անտես և անպաա-
ճառ յամենայնի, անժամանակ և յա-
ւիտեան, արարիչ երևելեաց և անե-
րևութից: Յիշեա յիշեա անպարիմա-
նալից զաշխարհակեցոյց անօրէնու-
թիւն անտարացոյց անօրինողից, և
վասն անտանելի խորհրդոյ գերունա-
կից գերազանցեա առ գահավի-
ժեալս զձիր պարգևաց ահաւորից:
Եւ վասն ծննդեան ծայրագոյն լու-
սոյդ ազատիչ աշխարհի յամենօրէ-
նեալ կուսէն՝ ընթացրեա ՚ի վսե-
րամիտս զծագումն ոլորմութեանդ
անբաւ, և հան ՚ի խորացեալ ար-
գանդէ մահու զհրասուղեալ անձն
եղկելոյս: Եւ վասն անտեղի և խան-

ձարրապատ լինելոյ անտանելի բը-
 նութեանդ, 'ի մսուր բազմելոյ խոր-
 հրրդեանդ հօր, զարտաքսեալս 'ի կե-
 նաց և զժածկեալս յանգուճիս խո-
 րոց և զկապեալս 'ի խանձարուրս
 չարեաց և զգանեալս սաստիկալէր
 խոցուածովքս արձակեա քո ամե-
 նակարող զօրութեամբդ անհասանե-
 լիդ Աստուած: Ասն ամենամաքուր
 մարմնոյ և հրաշափառագոյն գրկաց
 սրբուհւոյն յորում գգուեցար, վասն
 աստուածաներկ շրթանցն որ համ-
 բուրեցար, բազմերանեան ձեռացն
 որ շօշափեցար, երկնաբարձ բազ-
 կացն յորում հանգեար, անպա-
 րխմանալի սարանոցին զօրով փա-
 րեցար, սուրբ ուսոյն յորում բար-
 ձար, արփիաբուխ ստեանցն որով
 կերակրեցար, հոգիունակ գեղոյն
 որում ցանկացար, անհամեմատ
 մաքրութեն որում հաճեցար, և սի-
 րաբուն սննգեանն որով զարգա-
 ցար, գթա յիս 'ի բազմամեղս, և
 զամենայն թակարդս վարժից չարին
 շրջապատեալ զինև խզեա աստուա-
 ծային զօրութեամբդ, և զանհամար

պարտեացն պատառեա զմուրհակ :
 Ասան ընծայելոյն համագոյիդ Հօր՛ի
 տիրական տաճարի փառաց քոց , և
 աղօթիւք սուրբ ծերունւոյն բարձ
 ՛ի յուսոյ խմէ տարապարտեալ ան-
 ձինս զծանրըմբերելի կարծրասասա
 լուծ անօրէն իշխանին , այդ որ բար-
 ձեր զմեզս աշխարհի : Ասան անձառ
 մաքրութեան միայնոյդ Աստուծոյ
 զեղական բնութիւնս , և մկրտու-
 թեանն ՛ի սուրբ յորդանան յառա-
 ջընթաց կարապետէն , և վասն իջման
 ՛ի վերայ կենարարիդ ամենազօր
 սուրբ Հօգւոյդ , և վասն վկայութե
 ձայնիդ հայրական , որ զհարազա-
 տութիւն քո յայանէր աշխարհի ,
 զաշխարհադատ չարալլուկ բազմա-
 մեղ եղկելիս մաքրեալաններելի յան-
 ցանաց որպէս մարդասէր և զԱս-
 տուած բարերար : Եւ վասն հան-
 դիսի փորձութեան քո ՛ի պատրո-
 զէն անպարագիր էին արփոյդ և վասն
 հիազօր հրաշիցդ աներևութի գերու-
 նական զօրութեանդ , շքելոյն շնոր-
 հացդ անեղին յանօրէն յարկս մեզա-
 ւորաց և ակնարկելոյն ՛ի լուծ խո-

նարհուլթեան, որ վասն կորուսե-
լոցս կարեկցաբար կատարեցեր,
բժշկեա զվերաւորեալս զգազրատե-
սիլ տաղտկացեալ հարուածս անօ-
րինիս: Եւ վասն սիրոյ աշակերտաց
քոց զոր ընտրեցեր և հաներ զնոսս
'ի տար աշխարհս, զհերքեալս 'ի կե-
նաց աշխարհէ ընկեա վերստին յու-
կանս ողորմուլթեան քո: Եւ փոխա-
նակ տառապանացն 'ի ձանձրուլթիւն
աշխարհիս, և կրելոյ կարողիդ զա-
մենայն կիրս մարմնոյ իբրև զմարդ, և
անցանելոյ ընդ սուր յաղագս սար-
տեաց սրտակառեցելոյս 'ի շնորհեդ
քումմէ, վերացո զամենայն սլարախ
չարեաց 'ի մարմնոյ խմմէ, կեցուցիչ
բնաւիցս, անմահ և անմահից թա-
գաւոր, որ օրհնեալ ես յաւիտեանս
յաւիտենից • ամէն:

ԺԱ

Մնեղանելի բնուլթիւն և բան հօր,
անսկիզբն և անժամանակդ Աս-
տուած, որ վասն սլարտեաց մերոց
անսլարտականդ սլարտաւորեցար, և

Ժամանակաց արարիչդ փակեցար
 ընդ ժամանակաւ . լոյսդ ծայրագոյն
 որ ծրարեցար 'ի խաւարի մարմնոյս ,
 զօրացս 'ի բնութիւն անտանեւոյդ
 զահաւոր ողորմութիւն գթութեան
 քո 'ի տակս եղկեւոյս : Եւ վասն գիւ-
 մելոյն անմահիդ 'ի հանգես մահուն
 և հրաշափառ ներգործութեան քո
 յընթրիսն խորհրդոյ 'ի սուրբ վեր-
 նատունն , լոյծ յանբմբերելի տան-
 ջանացն և վերածեա որպէս զԱս-
 տուած բարերար 'ի լոյսդ մշանջե-
 նաւոր : Եւ վասն ձաղանացն և ապ-
 տակին և թքոյն և հարուածի եղե-
 գանն , և բազմաբիւր հայհոյութեն
 զոր ընկալար 'ի դպրացն և 'ի փարի-
 սեցւոցն յաղագս տարագրելոյս յա-
 նեղաչէն գրախտէն , վերացո 'ի վսե-
 րային չանորդոյս զձաղանս մահու և
 զամօթ սլաակառանաց , զհարուածս
 դաժանասասա , և զապտակ անմահ
 մահուն , զոր մթերեցի իմ անառակ
 վարուքս : Ասն յառենի կալոյն քո
 առաջի սոնտացւոյ Պիլատոսի և
 հարցափորձ դատաւորին , և այսպա-
 նեւոյն 'ի հերովցիայ , զահաւոր

գատառտանին զպատիժն աներեկ
 աւուրն բարձ յինէն: Եւ և փո-
 խանակ սրատառելոյ սրատմուճանին
 և մերկասղարանին լինելոյն՝ զմերկա-
 ցեալս 'ի կենաց լուսոյն ծածկեա
 աստուածային ողորմութեամբդ :
 Վասն փշղէն սլաակին և բառնալոյ
 զփայտն մահու 'ի վերայ կենսաբեր
 ուսոյդ, և վասն տարածման բազ-
 կացդ 'ի վերայ նորա, որով բացաւ
 սրովբէափակ դուռն դրախտին, և
 վասն սևեռման բևեռացն և կնքելոյն
 քո ընդդէմ աստեղաց, և դիտելոյն
 զամենայն հեթանոսս, զտարածեալս
 'ի վերայ հրահոսան բոցոյ գեհենին,
 և զսևեռեալս ընդ անմահ մահուն
 տանջանաց, և զկնքեալս մատանեաւ
 չարին՝ կորզեա կարող յամենայնի :
 Եւ վասն քացախին և լեղւոյն որ ար-
 բեր, և տիգախոց կողին, և հրա-
 խառն սուրբ արեանդ և աւանդման
 հոգւոյդ, խոնարհման սպարանոցիդ
 'ի վերայ կենսաբեր խաչին, քաղցրա-
 ցո զկամս հօր քո, և զճաշակ դառ-
 նութեան խմոյ 'ի քաղցրութիւն փո-
 խարկեա: Յայտեցո 'ի կաթուածէ

սուրբ արեանդ յասլառաժեալ հո-
 դիս, և սլատառեա զգիր սլարսուց
 անթիւ տաղանդաց, և արձակեա 'ի
 մեռեալ հոգիս զբարբառն Ղազարու,
 և յերանական ձայնէ աւազակին մի
 անմասն կացուցաներ զիս: Մի որո-
 շեր զիս յանդամոց քոց, և մի ար-
 տաքոյ այցելու թեան քո կացուցա-
 ներ զիս ահաւոր և ամենազու թ Աս-
 տուած: Եւ վասն 'ի կարգ մեռելոյ
 անկանիլն, և հզօր թաղմանն, և 'ի
 մահիճս ծածկելոյ, և փակելոյ իմա-
 նալի վիմիդ վիմով, և կնքելոյ մատա-
 նեաւ մարմնեղինի, զկարկառս լեռ-
 նատարափի վիմօք 'ի խորս անդնդա-
 կուլ վիշապին վերաբերեա կեանքդ
 աշխարհի: Վասն աստուածահրաշ-
 անճառ յարու թեան և խրախու թե
 ընտրեալ քո հօտին, և աշակերտելոյ
 կանանցն, և վասն համբարձմանն
 յաննկատելի կեանս էական լուսոյն,
 և զկայլակացեալ քրտունս արեան
 աշխատութեանց, զոր առաջի ա-
 ռաքչիդ քո աղերս մատուցեր սակս
 մերոյ յանցանաց, և զգառնացեալ
 կամս անեղիդ, և զգարձուցեալ ե-

րեսս ահաւորիդ շըջեցեր 'ի քաղց-
 րութիւն, և ետուր ակնարկել յա-
 րարածս լի քաղցրութեամբ. արդ
 զայս ամենայն ունիմ առ քեզ բազ-
 մամեղս բարեխօս բանդ Աստուած,
 մի թողուր զիս զուր և ունայն յան-
 բաւ բարութեանցդ, զոր շնորհեցեր
 աշխարհի: Եւ մի անմասն հաներ զիս
 վասն բազում յանցանաց իմոց, քան-
 զի քեզ կարելի է ամենայն: Հաշ-
 տեա ընդ իս բարերար, և հաշտեցո
 զՀայր քո օրհնեալ, քաղցրացո զա-
 մենազօր սուրբ Հոգիդ, և ծածկեա
 զնախատինս զազրալի առականաց
 իմոց: Մի բարձրացուցաներ զչարիս
 իմ քան զանչափ գթութիւն քո. մի
 սպահեր ոխս յաւիտեան, և մի տար
 զգինս արեան քո 'ի ձեռս թշնամւոյն:
 Վայ ինձ, քանզի մնացի սրասքեալ 'ի
 ջրոյդ կենաց ընդ զազրալի տեսու-
 թեան լկտաց. յերկնաւոր հիասրա-
 շութենէդ զրկեալ գտայ, և ընդ համ-
 բուրից թոշակացեալ թշնամւոյն 'ի
 վայր անկեալ եղէ 'ի գրկաց բարձ-
 րելոյդ: Ընդ տղմաբնակ լինելոյս 'ի
 յերկնային կամարացդ զերծայ, և

ընդ պաճուճանաց սնտտեացս 'ի վե-
 րինդ Երուսաղէմէ գերեցայ . ընդ
 շունս և ընդ պոռնիկս դնելով ըզ-
 կեանս իմ, 'ի հայրական տանէդ լու-
 սափայլ փափկութեան Ադին հեր-
 քեցայ, և 'ի մեղկութենէ մտացս ըզ-
 մուտ կենաց գրախտին փակեցի :
 Յակնարկութենէ մահաբեր աչացս
 իմ 'ի չար, 'ի յաւիտենից յուսոյ
 խոստմանց քոց տարագրեցայ, և
 յընթանալ մտօքս իմ յանցանս՝ զելս
 խորանացդ երկնից քակտեցի : Այ-
 ելուչ և ցանկալի եղև ինձ զան-
 կուած կերպացեալ հողոյս քան զան-
 ճառ պսակն զոր հիւսեցին մատունք
 հզօրիդ : Եւ սիրելի համարեցայ զու-
 նայնութիւն ունայն մեղսասէր աշ-
 խարհիս քան զհրեղինացն պարակ-
 ցութիւն, և հրճուելի հրճուումս
 առժամանակեայ կենացս քան ըզ-
 մշտնջենաւոր հարսնարան երկնից
 արքայիդ : Գեղեցիկ երևեցաւ գեղ-
 կորստեան եղկելոյս քան զկերպա-
 րանս այնոցիկ, որոց նշոյլն կիզու-
 ղարարածս : Եւ վայելուչ 'ի միտս
 իմ նկարեցաւ առժամանակեայ ան-

ցուինս քան զաստուածային փա-
ռացդ պայծառութիւն : Ոչ յագե-
ցայ իմով կորստեամբս , և ոչ ետու
հանգիստ ամենեցուն արարչիդ :

Եւ արդ որպէս համարձակեցայց
հառաչել գոչել և պաղատել առ
քեզ անճառելի բնութիւն և բան
հօր . զի թէ զամենայն ժամանակս
կենաց իմոց յերկիր անկեալ կայ-
ցեմ , ոչ ունիմ համարձակութիւն
համբառնալ զաչս իմ 'ի բարձունս ,
ոչ շարժել զշրթունս , և ոչ կարկա-
ռել առ քեզ զձեռս , զի մերիկ հնո-
ցի յաւիտենից խաւարին ծառացեալ
'ի սոցանէ ծովածաւալ մեծութե
տարածեցաւ առաջի բարձրելոյդ , և
շտեմարան ամենայն անօրէնութեան
գտայ : Քանիցս անգամ բարձրացու-
ցի զեղջիւր իմ 'ի բարձունս , և բանս
ահագնալուրս առ բարձրեալդ խօ-
սեցայ : Քանիցս անգամ խռովեցու-
ցի զարարիչդ իմ , և 'ի դառնութիւն
ինձ զերկնային զօրսդ դարձուցի :
Քանիցս անգամ յանդգնեցայ մտա-
նել 'ի յարկս քո անարժան անձամբ ,
և կամ քանիցս անգամ անվէհեր կա-

ցի 'ի սրբուԹեանց քոց անմաքուր
մտօք . քանիցս անգամ զողորմու
Թեամբ քո զանց արարի , և ոչ ետու
փառս անուանդ քում սրբոյ . քա
նիցս անգամ նորօրէն յանցանաց
միտք իմ եղեն գտիչ : Քանիցս ան
գամ մտաբերիկ եղէ յայն իրն որ ընդ
բնուԹեամբ մարդոյ ոչ բերի , և կամ
քանիցս անգամ յետս կացի յԱստու
ծոյ փրկչէդ իմմէ : Ոչ ձանձրացայ
'ի չարեաց , և ոչ արարի լրումն ի
մոյ անօրէնուԹես . յամենայն ժամ
չարահնար սրունիկ , յանցաւոր , ամ
բարիշտ , անողորմ , անզեղջ , դառ
նախորհուրդ , բարիատեաց , հեղգ ,
ծոյլ , և ամենայն սլատրանաց ցան
կացող և ԹշուառուԹեանց ներքոյ
անկեալ : Եւ արդ զիարդ լինիցի ինձ
փրկուԹիւն գտանել , որ այսչափ
դառնացուցի զքեզ , և եղէ կործա
նիչ և սատակիչ անձին իմոյ , և յայդ
քան մարդասիրուԹենէդ և յանձառ
փառացդ զրկեալ գտայ : Բայց յոյս
անյուսալի անձին իմոյ լինի անսահ
ման քո ողորմուԹիւնդ , որ զայդ
քան ահեղ աստուածուԹիւնդ իջու

ցեր յայնքան ահեղ խոնարհութիւն վասն մեղաւորաց, որ և թուք և ապտակ ընկալար. և զոր երկինք երկնից և տիեզերք ամենայն տանել ոչ կարեն, և բնութիւնք հրեղինացն ճառել ոչ կարեն, 'ի գերեզման իջեր:

Արդ վասն զի անբաւ է յիշատակ իմոյ յանցանացս և սարսափելի, վասն այսորիկ զահաւոր և զսոսկալի անօրէնութիւն քո ունիմ բազմամեղիս բարեխօս, և զկիրս չարչարանաց քոց ունիմ աղերս առ երկնաւոր և երկրաւոր բնութիւնս. զի հանդիսակից լիցին և ճար անճարակիս: Եւ զպաղատանս իւրեանց սակս իմ արկցեն առաջի ահաւոր տէրութեանդ, և օժանդակ լիցի բարեխօս հոգիդ սուրբ, և խնամակալ հայրական տեսչութիւնդ, զի անբարկանալի բնութիւն բարձրելոյդ 'ի վերայ իմ 'ի քաղցրութիւն փոխարկեսցի, և հառաչումս հասցէ 'ի սիրտս քաղցր և բարի անյիշաչար տէրութեանդ, որ օրհնեալ ես յաւիտենից յաւիտեանս. ամէն:

Եւ արդ, տէր իմ Յիսուս, զայդ-
քան զօրութիւնդ և զողորմութիւնդ
մի տկարացուցաներ վասն իմոյ անօ-
րէնութեանս, և մի ՚ի խոյզ և ՚ի խըն-
դիր իմ զազրալի և խաւարային մը-
տածութեանս անկանիր. այլ լոյժ
զամենայն կապանս կնքեալս պար-
տեաց իմոց, և պատառեա զձեռա-
դիր իմոյ յանցանացս. թող զյան-
ցանս, քաւեա զանօրէնութիւնս իմ,
և ողորմեա մինչդեռ եմ ՚ի մարմնի.
սրբեա զմիտս և զհոգիս յամենայն
աղտէ չարեաց. ճարդ անճարաց և
հնարդ ամենայն անհնարութեանց,
լեր բժիշկ վերաւորեալ ոգւոյս, և
արկ զողորմութեան քո սպեղանիս՝
մահահարուած գանելոյս, և արժա-
նաւորեա զղջմամբ, արտասուօք և
հառաչմամբ սրտիւ, արժանաւոր
ապաշխարութեամբ և արեամբ ա-
ւազանաւ հասանել թողութեան,
և աչալըջութեամբ կալ առաջի սոս-

կալի ահաւոր բեմիդ 'ի մեծի և յան-
 երեկ աւուրն համառօտի, յորժամ
 հրեշտակապետացն հնչին փողքն, և
 շարժին ամենայն տարր և անտարր
 յերկրպագութիւն ամենասուրբ Եր-
 րորդութեանդ, և դղրդեալ սասա-
 նին հիմունք անդնդային հաստա-
 տութեանն 'ի յահէ արփիատարր բո-
 ցոյ փայլատականցն թորմանէ երկ-
 նատարափ հրեղինացն, և 'ի կայ-
 ծակնառաք ցովմանէ շանթից լա-
 րեալ աղեղանցն. յորմէ հրդեհեալ
 հալին բնութիւնք եղելոցս. յորժամ
 դալարին երկինք և հրայրեաց լու-
 ծանին պարունակք վերին հաստա-
 տութեանն: Յորժամ բորբոքեալ
 ծխին լերինքն յաւիտենից և ամե-
 նայն զգալեացս էութեք ըմբռնեալ
 'ի տագնապէ աւուրն ահագին՝ սոս-
 կալի սարսափմամբ յահէ ահաւո-
 րիդ տագնապեալ տատանին: Յոր-
 ժամ հուրն յաւիտենից ընու զոլորտս
 արարածոց, և արտաքին խաւարին
 բացակայեալ երևին ճանապարհքն:
 Յորժամ բանին անեզրական բերանք
 գբոյն անդնդոց, և լայնեն դժոխք

զորովայնս իւրեանց, և առասանքն
 հրամանուածք և տէգք սայրասուրք
 խաղան 'ի նոսա: Յորժամ դահիճքն
 դաժան մի զմիով կուտակին և մրըր
 կեալ սրամտութեամբ ցանկան ծը-
 ծել զարիւնս ամբարշտացն: Յոր-
 ժամ բանան դրունք երկնից և երկին
 բանակք անմահիցն խումբս առեալ
 զարմանազան զինուք՝ ակն ունելով
 երևման անմահ արքայիդ: Յորժամ
 դաբրիէլեանն ահագին հնչէ փողն
 առ յաւիտենից ննջեցեալն՝ եթէ ա-
 հա փեսայ գայ արիք ընդ առաջ նո-
 րա, և դղրդեալ զարհուրմամբ համա-
 հաւաքին մարմնեղինացս տեսակք
 ըստ իւրաքանչիւր կերպի զիւրն ա-
 ուեալ տեսակ: Յորժամ ամենայն
 ծնունդք Ադամայ յարգանդէ երկրէ
 վերաբերեալք ըստ իւրաքանչիւր
 մասին երևակեալ յայանին գործք
 ամենեցուն և նշանակեալ գրին 'ի
 մարմինս իւրեանց չարիքն և բարիքն:
 Յորժամ քակին անանջրպետք խո-
 րանաց վերին առագաստաց, և բա-
 նին անբաւ դրունքն և վերանան յող-
 նազան քօղք երեսաց ահաւորիդ, և

յանմատոյց լուսոյդ հատանին ճա-
 ռագայթքն, և ցուցանիս անցուցա-
 կանդ հրեղինացն. յորմէ այլայլեալ
 բնութիւնք վերին զօրութեանցն հա-
 շին, և զարհուրեալ երկիւղալի սար-
 սափմամբ տագնապին յանեղահրաշ-
 փառաց քոց, Տէր: Յորժամ լուծա-
 նին համօրէն բնութիւնք եղելոցս
 յիսկապէս ականարկութենէ երրազ-
 գեայ միութեանցդ, և դնի աթու-
 գատաստանի, և պատրաստի դա-
 տողական իշխանութիւն բանիդ Աս-
 տուծոյ, և ամենայն արարածք պը-
 շուցեալ ընդդէմ դրանց երկնից ական-
 ունելով երևման յամեցելոյ փեսայ-
 ին՝ ի վերջնում գիշերին: Յորժամ
 երևիս ընդ ամսս երկնից՝ ամպախա-
 ղաց գալստեամբ, և դասք սրբոցն
 ընթանան ընդ առաջ երկնից ար-
 քայիդ, և մեղաւորքն հալին որսկս
 մում՝ ի հուր յերեսաց քոց: Յոր-
 ժամ հասանիս առ հինաւուրցն յա-
 տեանն ահագին, և բաժանին օգիքն
 և այծիքն, և բանին դպրութիւնքն
 հրեղինացն, և երևիս իւրաքանչիւր
 ումէք, և դաղանիք և յայտնիք հրա-

պարակիին ամենեցուն առաջի սոսկալի բեմիդ, և դումարեալ պակուցեալ հիացեալ երկնային և երկրային բնութիւնքս կան առաջի: Յորժամ ճառագայթք սուրբ խաչին ցոլացեալ զցանկ խորոց խաւարին լուսաւորէ, և ՚ի բաց բառնան ամենայն լուսաւորացն ճառագայթք: Յորժամ քննին փորձին իբրև ՚ի բովս երամք մեղաւորացն, և յառաջ բերեալ երևակին գործք իւրաքանչիւրոցն, և պապանձեալ արձանացեալ կարկին բերանք բնաւիցն ՚ի պատասխանատուութենէ ամենատեսիդ, և շարաւ հոտոյ դառնութե չարեացն նշաւակի առաջի ահաւոր տէրութեանդ, և ամօթն այն յաւիտենից և գեհենն անտանելի կորստականացն լինի: Յորժամ անաչառ և սարսափելի հատանի ՚ի վերայ նոցա վրձիւ անմահ մահուն, և գղղեալ ամենայն հրեղինացն հանդէսքն շարժին վերացուցեալ զհրանիւթ գաւազանս բարկութեան ՚ի վերայ նոցա և ոչ տան թոյլ կրկնել բանից զի հատանի ճար փրկութեան ամ

պարչտացն • տիրէ խաւարն , և յոր
 ձանքն հրեղէն գետոցն պատեալ պա
 շարէ զնոսա : Յորժամ հառաչումն
 գոչման ահեկացն 'ի տագնապի ա
 ղետիցն հասանէ մերձ յերկինս 'ի
 պաղատանս ողորմագինս առաջի քո ,
 և ամենալուր ունին քո ոչ լսէ զհըն
 չումն աղաղակին , զն ակն քո ոչ տե
 սանէ , և երեսք քո ոչ դառնայ 'ի
 նոսա , այլ միշտ բարի բնութիւնդ 'ի
 բարկութիւն փոխարկի 'ի վերայ որ
 դուցն բարկութեան , և ողորմու
 թիւնդ անբաւ արբուցանէ նոցա ըզ
 բաժակ դառնութեան յայնմ դառ
 նութե ժամուն , և փոխանակ ակն
 կալութեան յուսոյ զանիծիցն ա
 ռեալ զձիրս՝ բարկութիւն 'ի վերայ
 բարկութեան արժարժի , և անհրա
 ժեշտ մատնումն յաւիտենից հրոյն
 'ի վերայ նոցա տարածի : Յորժամ
 կապին ոտք և ձեռք անգին գերեւոցն
 անըմբերելի կայծակնառաք արտա
 շիկացեալ շանթիւքն , և անկանին 'ի
 վիհն յաւիտենից , այն որ արտաքոյ
 այցելութեան քո իմանին սահմանք :
 Ուստի յարաշարժ բմբիւն թնդիւն

և ճայթմունք որոտմանցն հանդերձ
 նսեմատարափ հրեղէն անձրևօք տե-
 ղան 'ի վերայ և սահեալ յայլ ևս
 անդունդս անդնդոց ծածկին յորձա-
 նաշարժ որդնալի կոհակօքն հրա-
 տարած իբր զձկունս կարթեայս յո-
 րովայն անբաւութեանց ջուրց: Յոր-
 ժամ արտաքսին աղխին փակին 'ի
 կիզողական հուր տապակաց հան-
 դէսք անօրինացն, կնքեալ դրամբք
 մատանեաւ անեղիգ և անդր ևս ի-
 ջեալ իրաւամբքն յանզրաւ յան-
 սպառն կապարանս դժոխոցն, այնո-
 քիկ ոյք առաւել դառնացուցին ըզ-
 քեզ 'ի բերան անդնդակուլ վիշա-
 սացն՝ կարթեալ և եռացեալ զգայ-
 ութեան իւրաքանչիւրոցն որով մե-
 ղան քեզ հրաթոյն որդունքն շեղջա-
 կուտեալ զետեղի անձամբքն: Յոր-
 ժամ ընու կատարի սահման կիտի
 կենաց աշխարհիս, և դադարեն ա-
 րարածք յաշխատութենէ, և աիրէ
 արդարութիւն և խաղաղութիւն, և
 հանգչի ամենազօր աստուածութիւն
 'ի դժնէվարուց չարասէր կենցաղոյս,
 և ջնջին յիշատակք մեղաւորաց յե-

րեսաց քոց, և հայրախնամ գթու-
 թեամբ 'ի գիրկս քո գրաւես զայնո-
 սիկ որք տաճարացուցին զանձինս
 իւրեանց օթևան աստուածութեդ
 քո լինել և ըմպել զբաժակ չարչա-
 րանաց քոց, դնի հարսնարան ահեղ,
 հասանէ ժամանակն որում պաս-
 քեալ ցանկային երամբ արդարոցն .
 զի ըմբռնեալ եղեւ արքայութիւն
 սրբոցն, և ժամանեաց օրն այն օրհ-
 նեալ օրհնելոյդ:

Faint, illegible text, possibly bleed-through from the reverse side of the page. The text is arranged in approximately 20 horizontal lines.

ՄԱՆՕԹՈՒԹԻԻՆՔ

- 1 Այլ օրինակ հրանիւն :
 - 2 Այլ օր • անդեդային :
 - 3 Այլ օր • Տէժ է :
 - 4 Օրինակմի անկրտարան :
 - 5 Այլ օր • զաշխարհանանից :
 - 6 Թուղթ անկեալ է յօրինակէն :
-

11

1. 1848
2. 1849
3. 1850
4. 1851
5. 1852
6. 1853
7. 1854
8. 1855
9. 1856
10. 1857
11. 1858
12. 1859
13. 1860
14. 1861
15. 1862
16. 1863
17. 1864
18. 1865
19. 1866
20. 1867
21. 1868
22. 1869
23. 1870
24. 1871
25. 1872
26. 1873
27. 1874
28. 1875
29. 1876
30. 1877
31. 1878
32. 1879
33. 1880
34. 1881
35. 1882
36. 1883
37. 1884
38. 1885
39. 1886
40. 1887
41. 1888
42. 1889
43. 1890
44. 1891
45. 1892
46. 1893
47. 1894
48. 1895
49. 1896
50. 1897
51. 1898
52. 1899
53. 1900

Bucheinband von
JOSEF ERDMANN
BONN. Dattendorferstr. 144